

ओं नमः परमात्मने, श्री महागणपतये नमः,
श्री गुरुभ्यो नमः, हरिः ओं ॥

कृष्ण यजुर्वेदीय तैत्तिरीय संहिता पद
पाठः (वाक्य सहित)

द्वितीयकाण्डे तृतीयः प्रश्नः

Notes:

- Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site www.vedavms.in.

Contents

2 कृष्ण यजुर्वेदीय तैत्तिरीय संहितायं पद पाठे

द्वितीयं काण्डं..... 3

2.3 द्वितीयकाण्डे तृतीयः प्रश्नः – इष्टिविधानं..... 3

पद पाठे (वाक्य सहित) – द्वितीयकाण्डे – तृतीयः प्रश्नः

ओं नमः परमात्मने, श्री महागणपतये नमः, श्री गुरुभ्यो नमः

हरिःओं

2 कृष्ण यजुर्वेदीय तैत्तिरीय संहितायं पद पाठे द्वितीयं काण्डं

2.3 द्वितीयकाण्डे तृतीयः प्रश्नः – इष्टिविधानं

2.3.1.1

आ॒दि॒त्ये॒भ्यो॒ भुव॑द्वद्भ्यश्चरुं॒ निर्व॑पेद्भू॒ति॒काम॑ आ॒दि॒त्या वा ए॒तं भू॒त्यै॒
प्र॒ति नुद॑न्ते योऽ॒लं भू॒त्यै सन् भू॒तिं न प्रा॑प्नोत्यादि॒त्याने॒व भुव॑द्वत्तः॒
स्वेन॑ भा॒ग॒धे॒येनो॒प धा॑वति त ए॒वैनं॑ भू॒तिं ग॑मयन्ति भव॒त्ये॒वा
ऽऽदि॒त्ये॒भ्यो धा॑रयद्वद्भ्यश्चरुं॒ निर्व॑पेदप॒रुद्धो॑ वाऽप॒रुध्य॑मानो
वाऽऽदि॒त्या वा अ॒परो॒द्धार॑ आ॒दि॒त्या अ॒वग॑मयितार आ॒दि॒त्याने॒व
धा॑रयद्वत्तः – [] 1

2.3.1.1 - Padam

आ॒दि॒त्ये॒भ्यः । भुव॑द्वद्भ्य इति॒ भुव॑द्वत् – भ्यः । च॒रुम् । नि॒रि॒ति ।
व॒पेत् । भू॒ति॒काम॑ इति॒ भू॒ति – का॒मः । आ॒दि॒त्याः । वै । ए॒तम् ।

पद पाठे (वाक्य सहित) – द्वितीयकाण्डे – तृतीयः प्रश्नः

भू॒त्यै॑ । प्र॒तीति॑ । नु॒दन्ते॑ । यः । अ॒लम् । भू॒त्यै॑ । सन् । भू॒तिम् । न ।
प्रा॒प्नोतीति॑ प्र – आ॒प्नोति॑ । आ॒दि॒त्यान् । ए॒व । भु॒व॒द्वत् इति॑
भु॒वत् – व॒तः । स्वे॒न । भा॒ग॒धे॒येनेति॑ भा॒ग – धे॒येन॑ । उ॒पेति॑ ।
धा॒वति॑ । ते । ए॒व । ए॒नम् । भू॒तिम् । ग॒म॒यन्ति॑ । भ॒वति॑ । ए॒व ।
आ॒दि॒त्येभ्यः॑ । धा॒र॒य॒द्वद्भ्य॑ इति॑ धा॒र॒य॒द्वत् – भ्यः॑ । च॒रुम् । नि॒रिति॑ ।
व॒पेत् । अ॒प॒रु॒द्ध इत्यप॑ – रु॒द्धः । वा । अ॒प॒रु॒ध्य॒मा॒न
इत्यप॑ – रु॒ध्य॒मा॒नः । वा । आ॒दि॒त्याः । वै । अ॒प॒रो॒द्धार
इत्यप॑ – रो॒द्धारः॑ । आ॒दि॒त्याः । अ॒व॒ग॒म॒यि॒तार॑ इत्यव॑ – ग॒म॒यि॒तारः॑ ।
आ॒दि॒त्यान् । ए॒व । धा॒र॒य॒द्वत् इति॑ धा॒र॒य॒त् – व॒तः । 1 (50)

2.3.1.2

स्वे॒न भा॒ग॒धे॒येनो॑प॒ धा॒वति॑ त ए॒वैनं॑ वि॒शि दा॒ध्र॒त्यन॑प॒रु॒ध्यो भ॒व॒त्यदि॒तेऽनु॑
म॒न्य॒स्वे-त्य॑प॒रु॒ध्य॒मा॒नोऽस्य॑ प॒द॒मा द॑दी॒तेयं॑ वा अ॒दि॒तिरि॒यमे॒वास्मै॑
रा॒ज्य॒मनु॑ म॒न्यते॑ स॒त्याऽऽशी॑रि॒त्याह॑ स॒त्यामे॒वाऽऽशि॑षं कुरु॒त इ॒ह म॒न
इ॒त्याह॑ प्र॒जा ए॒वास्मै॑ स॒म॒न॒सः क॑रो॒त्युप॑ प्रे॒त म॒रुतः॑ – [] 2

पद पाठे (वाक्य सहित) – द्वितीयकाण्डे – तृतीयः प्रश्नः

2.3.1.2 - Padam

स्वेन॑ । भा॒ग॒धे॒ये॒नेति॑ भा॒ग – धे॒येन॑ । उ॒पेति॑ । धा॒वति॑ । ते । ए॒व ।
ए॒नम् । वि॒शि । दा॒ध्रति॑ । अ॒नप॒रु॒ध्य इत्य॑नप – रु॒ध्यः । भ॒वति॑ ।
अ॒दि॒ते । अ॒न्वि॒ति । म॒न्य॒स्व । इति॑ । अ॒प॒रु॒ध्यमा॑न
इत्य॑प – रु॒ध्यमा॑नः । अ॒स्य । प॒दम् । एति॑ । द॒दीत॑ । इ॒यम् । वै ।
अ॒दि॒तिः । इ॒यम् । ए॒व । अ॒स्मै । रा॒ज्यम् । अ॒न्वि॒ति । म॒न्य॒ते ।
स॒त्या । आ॒शी॒रित्या॑ – शीः । इति॑ । आ॒ह । स॒त्याम् । ए॒व ।
आ॒शि॒ष॒मित्या॑ – शि॒षम् । कु॒रु॒ते । इ॒ह । म॒नः । इति॑ । आ॒ह ।
प्र॒जा इति॑ प्र – जाः । ए॒व । अ॒स्मै । स॒म॒न॒स इति॑ स – म॒न॒सः ।
क॒रो॒ति । उ॒प । प्रेति॑ । इ॒त । म॒रु॒तः । 2 (50)

2.3.1.3

सु॒दा॒न॒व ए॒ना वि॒श॒प॒ति॒नाऽभ्य॑मुꣳ रा॒जा॒न॒मि॒त्याह॑ मा॒रु॒ती वै वि॒ड् ज्ये॒ष्ठो
वि॒श॒प॒ति॒र्वि॒शै॒वैनꣳ रा॒ष्ट्रेण॑ स॒म॒र्ध॒यति॑ यः प॒र॒स्ताद् ग्रा॒म्य॒वा॒दी स्या॑त्
तस्य॑ गृ॒हाद्-व्री॒ही॒ना ह॒रेच्छु॑क्लाꣳश्च कृ॒ष्णाꣳश्च वि चि॒नु॒या॒द्ये

पद पाठे (वाक्य सहित) – द्वितीयकाण्डे – तृतीयः प्रश्नः

शु॒क्लाः॑ स्यु॒स्त॒मा॒दि॒त्यं॑ च॒रुं॑ निर्व॒पे॒दा॒दि॒त्या॑ वै दे॒व॒त॒या॑ वि॒ड् वि॒श॒मे॒वा॒व

गच्छ - [] 3

2.3.1.3 - Padam

सु॒दा॒न॒व॒ इति॑ सु - दा॒न॒वः॑ । ए॒ना । वि॒श॒प॒ति॒ना । अ॒भी॒ति॑ । अ॒मु॒म् ।
रा॒जा॒न॒म् । इति॑ । आ॒ह । मा॒रु॒ती । वै । वि॒ट् । ज्ये॒ष्ठः । वि॒श॒प॒तिः॑ ।
वि॒शा । ए॒व । ए॒न॒म् । रा॒ष्ट्रेण॑ । स॒मि॒ति॑ । अ॒र्ध॒य॒ति॑ । यः । प॒र॒स्ता॒त् ।
ग्रा॒म्य॒वा॒दी॒ति॑ ग्रा॒म्य - वा॒दी । स्या॒त् । तस्य॑ । गृ॒हा॒त् । व्री॒हीन् ।
ए॒ति॑ । ह॒रे॒त् । शु॒क्लान् । च । कृ॒ष्णान् । च । वी॒ति॑ । चि॒नु॒या॒त् ।
ये । शु॒क्लाः॑ । स्युः॑ । तम् । आ॒दि॒त्यम् । च॒रुम् । नि॒री॒ति॑ । व॒पे॒त् ।
आ॒दि॒त्या । वै । दे॒व॒त॒या॑ । वि॒ट् । वि॒श॒म् । ए॒व । अ॒वे॒ति॑ ।

गच्छति । 3 (50)

2.3.1.4

-त्य॒व॒ग॒ता॒ऽस्य॑ वि॒ड॒न॒व॒ग॒त॒ऽरा॒ष्ट्र॒मि॒त्या॒हु॒र्ये॑ कृ॒ष्णाः॑ स्यु॒स्तं॑ वा॒रु॒णं॑
च॒रुं॑ निर्व॒पे॒द्वा॒रु॒णं॑ वै रा॒ष्ट्र॒मु॒भे ए॒व वि॒शं॑ च रा॒ष्ट्रं॑ चा॒व गच्छ॑ति॒ यदि॑
ना॒व॒गच्छे॑दि॒म-म॒ह॒मा॒दि॒त्ये॒भ्यो॑ भा॒गं॑ निर्व॒पा॒म्या॑ ऽमु॒ष्मा॑द॒मु॒ष्यै॑

पद पाठे (वाक्य सहित) – द्वितीयकाण्डे – तृतीयः प्रश्नः

वि॒शोऽव॑गन्तो॒रिति॑ निर्व॑पेदादि॒त्या ए॒वैनं॑ भा॒गधे॑यं प्रे॒प्सन्तो॑

वि॒शम॑व – [] 4

2.3.1.4 - Padam

अव॑गतेत्य॒व – ग॒ता । अ॒स्य । विट् । अ॒न॒व॒ग॒त॒मि॒त्य॒न॒व – ग॒तम् ।

रा॒ष्ट्रम् । इति॑ । आ॒हुः । ये । कृ॒ष्णाः । स्युः । तम् । वा॒रु॒णम् ।

च॒रुम् । नि॒रिति॑ । व॒पेत् । वा॒रु॒णम् । वै । रा॒ष्ट्रम् । उ॒भे इति॑ । ए॒व ।

वि॒शम् । च॒ । रा॒ष्ट्रम् । च॒ । अ॒वेति॑ । ग॒च्छ॒ति । यदि॑ । न ।

अ॒व॒ग॒च्छे॒दि॒त्य॒व – ग॒च्छे॒त् । इ॒मम् । अ॒हम् । आ॒दि॒त्ये॒भ्यः । भा॒गम् ।

नि॒रिति॑ । व॒पा॒मि । ए॒ति । अ॒मुष्मा॑त् । अ॒मुष्यै॑ । वि॒शः ।

अ॒व॒ग॒न्तो॒रि॒त्य॒व – ग॒न्तोः॑ । इति॑ । नि॒रिति॑ । व॒पेत् । आ॒दि॒त्याः । ए॒व ।

ए॒नम् । भा॒ग॒धे॒य॒मि॒ति भा॒ग – धे॒यम् । प्रे॒प्स॒न्त इति॑ प्र – ई॒प्स॒न्तः ।

वि॒शम् । अ॒वेति॑ । 4 (50)

2.3.1.5

ग॒म॒य॒न्ति॒ यदि॑ ना॒व॒ग॒च्छे॒दाश्च॑त्था॒न् म॒यू॒खा॒न्थ् स॒प्त म॑ध्य॒मेषा॒यामु॑प

ह॒न्यादि॑द॒मह॑ – मा॒दि॒त्यान् ब॑ध्ना॒म्या ऽमु॑ष्मा॒दमु॑ष्यै वि॒शोऽव॑गन्तो॒रि॒त्यादि॑त्या

पद पाठे (वाक्य सहित) – द्वितीयकाण्डे – तृतीयः प्रश्नः

ए॒वैनं॑ ब॒द्धवी॑रा वि॒शम॑व गमयन्ति॑ यदि॑ नाव॒गच्छे॑दे॒तमे॒वाऽऽदि॑त्यं च॒रुं
निर्व॑पेदि॒ध्मेऽपि॑ म॒यूखान्॑ सं नह्ये॑दनप॒रुध्य॑मे॒वाव॑ गच्छ॒त्याश्च॑त्था
भव॑न्तिम॒रुतां॑ वा ए॒त () –दो॒जो यद॑श्च॒त्थ ओज॑सै॒व वि॒शम॑व
गच्छ॑ति स॒प्त भव॑न्ति स॒प्त ग॑णा वै म॒रुतो॑ ग॒णश॑ ए॒व वि॒शम॑व
गच्छ॑ति । 5

2.3.1.5 - Padam

गम॑यन्ति । यदि॑ । न । अ॒वग॑च्छेदि॒त्यव॑ – गच्छे॑त् । आ॒श्चत्था॑न् ।
म॒यूखान्॑ । स॒प्त । म॒ध्यमे॑षा॒यामि॑ति म॒ध्यम॑ – ई॒षायाम्॑ । उ॒पेति॑ ।
ह॒न्यात् । इ॒दम् । अ॒हम् । आ॒दि॒त्यान् । ब॒ध्नामि॑ । ए॒ति । अ॒मुष्मा॑त् ।
अ॒मुष्यै॑ । वि॒शः । अ॒वग॑न्तो॒रित्य॑व – ग॒न्तोः॑ । इ॒ति । आ॒दि॒त्याः । ए॒व ।
ए॒नम् । ब॒द्धवी॑रा इति॑ ब॒द्ध –वी॒राः । वि॒शम् । अ॒वेति॑ । गम॑यन्ति ।
यदि॑ । न । अ॒वग॑च्छेदि॒त्यव॑ – गच्छे॑त् । ए॒तम् । ए॒व । आ॒दि॒त्यम् ।
च॒रुम् । नि॒रिति॑ । व॒पेत् । इ॒ध्मे । अ॒पीति॑ । म॒यूखान्॑ । स॒मिति॑ ।
नह्ये॑त् । अ॒नप॑रु॒ध्यमि॑त्यनप – रु॒ध्यम् । ए॒व । अ॒वेति॑ । ग॒च्छति॑ ।

पद पाठे (वाक्य सहित) – द्वितीयकाण्डे – तृतीयः प्रश्नः

आश्र॑त्थाः । भव॑न्ति । मरु॑ताम् । वै । एत॑त् () । ओजः॑ । यत् ।
अश्र॑त्थः । ओज॑सा । ए॒व । विश॑म् । अवे॑ति । गच्छ॑ति । सप्त॑ ।
भव॑न्ति । सप्त॑गणा इति सप्त॑ – गणाः॑ । वै । मरु॑तः ।
गण॑श – इति गण॑ – शः । ए॒व । विश॑म् । अवे॑ति ।
गच्छ॑ति । 5 (68) (धार॑यद्वतो – मरु॑तो – गच्छ॑ति – विश॑मवै –
त – दष्टा॑दश च) (A1)

2.3.2.1

दे॒वा वै मृ॒त्यो॑र॒बिभ॑युस्ते प्र॒जाप॑तिमुपा॒धावन्॑ तेभ्य॑ एतां प्राजाप॑त्याꣳ
श॒तकृ॑ष्णलां निर॑वपत् तयै॑वैष्व॒मृत॑मदधा॒द्यो मृ॒त्योर्बि॑भीयात् तस्मा॑
एतां प्राजाप॑त्याꣳ श॒तकृ॑ष्णलां निर॑वपेत् प्र॒जाप॑तिमे॒व स्वेन॑
भा॒गधे॑येनोप॒ धाव॑ति स ए॒वास्मि॑न्नायु॒र्दधा॑ति सर्व॑मायुरेति श॒तकृ॑ष्णला
भव॑ति श॒तायुः॑ पु॒रुषः॑ श॒तेन्द्रि॑य आयु॒ष्येवेन्द्रि॑ये – [] 6

2.3.2.1 - Padam

दे॒वाः । वै । मृ॒त्योः । अ॒बिभ॑युः । ते । प्र॒जाप॑तिमि॒ति प्र॒जा-प॑तिम् ।
उपे॑ति । अ॒धाव॑न् । तेभ्यः॑ । ए॒ताम् ।

पद पाठे (वाक्य सहित) – द्वितीयकाण्डे – तृतीयः प्रश्नः

प्रा॒जाप॒त्यामि॑ति प्रा॒जा – प॒त्याम् । श॒तकृ॑ष्ण॒लामि॑ति
श॒त-कृ॑ष्ण॒लाम् । निरि॑ति । अ॒वप॑त् । तया॑ । ए॒व । ए॒षु । अ॒मृत॑म् ।
अ॒दधा॑त् । यः । मृ॒त्योः । बि॒भीया॑त् । तस्मै॑ । ए॒ताम् ।
प्रा॒जाप॒त्यामि॑ति प्रा॒जा – प॒त्याम् । श॒तकृ॑ष्ण॒लामि॑ति
श॒त – कृ॑ष्ण॒लाम् । निरि॑ति । व॒पेत् । प्र॒जाप॑तिमि॒ति प्र॒जा-प॑तिम् ।
ए॒व । स्वे॑न । भा॒गधे॑येनेति भा॒ग – धे॑येन । उ॒पेति॑ । धा॒वति॑ । सः ।
ए॒व । अ॒स्मिन् । आ॒युः । द॒धाति॑ । सर्व॑म् । आ॒युः । ए॒ति ।
श॒तकृ॑ष्ण॒लेति॑ श॒त – कृ॑ष्ण॒ला । भ॒वति॑ । श॒तायु॑रिति श॒त-आ॒युः ।
पु॒रुषः॑ । श॒तेन्द्रि॑य इति श॒त – इन्द्रि॑यः । आ॒युषि॑ । ए॒व ।

इन्द्रि॑ये । 6 (50)

2.3.2.2

प्र॒ति ति॑ष्ठति घृ॒ते भ॑व॒त्यायु॑र्वै घृ॒तम॑मृतं हिर॑ण्यमा॒युश्चै॑वास्मा॑
अ॒मृतं॑ च स॒मीची॑ द॒धाति॑ च॒त्वारि॑ च॒त्वारि॑ कृ॒ष्णला॒न्यव॑ द्यति
चतु॑रवत् तस्याऽऽप॒त्या ए॒कधा॑ ब्र॒ह्मण॑ उप॒ हर॑त्ये॒कधै॑व यज॑मान

पद पाठे (वाक्य सहित) – द्वितीयकाण्डे – तृतीयः प्रश्नः

आयु॑र्द॒धात्य॑- सा॒वादि॒त्यो न व्य॑रोच॒त तस्मै॑ दे॒वाः प्राय॑श्चि॒त्तिमै॑च्छन्
तस्मा॑ ए॒तꣳ सौ॒र्यं च॒रुं नि॒रव॑पन् तेनै॒वास्मिन् - [] 7

2.3.2.2 - Padam

प्रती॑ति । ति॒ष्ठति॑ । घृ॒ते । भ॒वति॑ । आयुः॑ । वै । घृ॒तम् । अ॒मृत॑म् ।
हि॒रण्य॑म् । आयुः॑ । च । ए॒व । अ॒स्मै । अ॒मृत॑म् । च ।
समी॑ची इति॑ । द॒धाति॑ । च॒त्वारि॑च॒त्वा॒रीति॑ च॒त्वारि॑ - च॒त्वारि॑ ।
कृ॒ष्ण॒ला॒नि । अ॒वेति॑ । द्य॒ति । च॒तुर॑व॒त्तस्ये॑ति च॒तुः - अ॒व॒त्त॒स्य ।
आप्त्यै॑ । ए॒क॒धे॒त्येक॑ - धा । ब्र॒ह्म॒णै । उ॒पेति॑ । ह॒रति॑ ।
ए॒क॒धे॒त्येक॑ - धा । ए॒व । यज॑माने । आयुः॑ । द॒धाति॑ । अ॒सौ ।
आ॒दि॒त्यः । न । वी॑ति । अ॒रोच॑त । तस्मै॑ । दे॒वाः । प्राय॑श्चि॒त्तिम् ।
ऐ॒च्छन् । तस्मै॑ । ए॒तम् । सौ॒र्यम् । च॒रुम् । नि॒रिति॑ ।
अ॒व॒पन् । तेन॑ । ए॒व । अ॒स्मिन् । 7 (50)

2.3.2.3

रुच॑म॒दधु॑र्यो ब्र॒ह्म॒वर्च॑स॒कामः॑ स्यात् तस्मा॑ ए॒तꣳ सौ॒र्यं च॒रुं
निर्व॑पे॒दमु॒मे॒वाऽऽदि॒त्यꣳ स्वे॒न भा॒ग॒धे॒येनो॑प धा॒वति॑ स ए॒वास्मिन्

पद पाठे (वाक्य सहित) – द्वितीयकाण्डे – तृतीयः प्रश्नः

ब्रह्मवर्चसं॑ दधाति॑ ब्रह्मवर्चस्ये॑व भवत्यु॒भयतो॑ रु॒क्मौ॑ भवत॑ उ॒भयत॑
ए॒वास्मिन्॑ रुचं॑ दधाति॑ प्र॒याजे॑ प्र॒याजे॑ कृ॒ष्णलं॑ जुहोति॑ दिग्भ्य॑
ए॒वास्मै॑ ब्रह्मवर्चसम॑व रुन्ध॑ आ॒ग्नेयम॑ष्टाक॒पालं॑ निर्व॑पेथ् सावि॒त्रं
द्वा॒दश॑क॒पालं॑ भूम्यै॑ – [] 8

2.3.2.3 - Padam

रुच॑म् । अ॒दधुः॑ । यः । ब्रह्मवर्च॑स॒काम॑ इति॑ ब्रह्मवर्च॑स – का॒मः ।
स्यात् । तस्मै॑ । ए॒तम् । सौ॒र्यम् । च॒रुम् । नि॒रिति॑ । व॒पेत् । अ॒मुम् ।
ए॒व । आ॒दि॒त्यम् । स्वे॒न । भा॒गधे॑येनेति॑ भा॒ग – धे॑ये॒न । उ॒पेति॑ ।
धा॒वति॑ । सः । ए॒व । अ॒स्मिन् । ब्रह्मवर्च॑स॒मिति॑ ब्रह्म – वर्च॑सम् ।
दधा॑ति । ब्रह्मवर्च॑सीति॑ ब्रह्म – वर्च॑सी । ए॒व । भ॒वति॑ । उ॒भय॑तः ।
रु॒क्मौ । भ॒वतः॑ । उ॒भय॑तः । ए॒व । अ॒स्मिन् । रुच॑म् । दधा॑ति ।
प्र॒याजे॑प्र॒याज॑ इति॑ प्र॒याजे॑ – प्र॒याजे॑ । कृ॒ष्णल॑म् । जुहो॑ति ।
दिग्भ्य॑ इति॑ दिक् – भ्यः । ए॒व । अ॒स्मै ।
ब्रह्मवर्च॑स॒मिति॑ ब्रह्म – वर्च॑सम् । अ॒वेति॑ । रु॒न्धे । आ॒ग्नेय॑म् ।

पद पाठे (वाक्य सहित) – द्वितीयकाण्डे – तृतीयः प्रश्नः

अ॒ष्टा॒क॒पा॒ल॒मि॒त्य॒ष्टा – क॒पा॒ल॒म् । नि॒रि॒ति॒ । व॒पे॒त् । सा॒वि॒त्र॒म् ।

द्वा॒द॒श॒क॒पा॒ल॒मि॒ति॒ द्वा॒द॒श – क॒पा॒ल॒म् । भू॒म्यै॑ । 8 (50)

2.3.2.4

च॒रुं यः॑ का॒मये॑त हि॒र॒ण्यं वि॑न्दे॒य हि॒र॒ण्यं मो॒ष न॑मे॒दिति॑ यदा॒ग्ने॒यो
भ॒व॒त्या॒ग्ने॒यं वै॑ हि॒र॒ण्यं यस्यै॒व हि॒र॒ण्यं ते॒नै॒वैन॑द् वि॒न्दते॑ सा॒वि॒त्रो
भ॒व॒ति स॒वि॒तृ॒प्र॒सू॒त ए॒वैन॑द्-वि॒न्दते॑ भू॒म्यै च॒रुर्भ॑व॒त्यस्या॒मे॒वैन॑द्-
वि॒न्दत॑ उपै॒न॒७ हि॒र॒ण्यं न॑म॒ति वि॒ वा ए॒ष इ॒न्द्रि॒येण॑ वी॒र्ये॑ण॒र्ध्यते॑ यो
हि॒र॒ण्यं वि॑न्दत॑ ए॒ता – [] 9

2.3.2.4 - Padam

च॒रुम् । यः॑ । का॒मये॑त । हि॒र॒ण्यम् । वि॑न्दे॒य । हि॒र॒ण्यम् । मा॒ ।
उ॒पे॒ति॒ । न॒मे॒त् । इति॑ । यत् । आ॒ग्ने॒यः । भ॒व॒ति॒ । आ॒ग्ने॒यम् । वै॑ ।
हि॒र॒ण्यम् । यस्य॑ । ए॒व । हि॒र॒ण्यम् । ते॒न॒ । ए॒व । ए॒नत् । वि॒न्दते॑ ।
सा॒वि॒त्रः । भ॒व॒ति॒ । स॒वि॒तृ॒प्र॒सू॒त इति॑ स॒वि॒तृ-प्र॒सू॒तः । ए॒व । ए॒नत् ।
वि॒न्दते॑ । भू॒म्यै॑ । च॒रुः । भ॒व॒ति॒ । अ॒स्याम् । ए॒व । ए॒नत् । वि॒न्दते॑ ।

पद पाठे (वाक्य सहित) – द्वितीयकाण्डे – तृतीयः प्रश्नः

उपेति॑ । ए॒नम् । हि॒र॒ण्यम् । न॒म॒ति॒ । वी॒ति॒ । वै । ए॒षः । इ॒न्द्रि॒येण॑ ।
वी॒र्ये॑ण । ऋ॒ध्य॒ते॒ । यः । हि॒र॒ण्यम् । वि॒न्दते॑ । ए॒ताम् । 9 (50)

2.3.2.5

–मे॒व नि॒र्वपे॑द्धि॒र॒ण्यं वि॒त्त्वा ने॒न्द्रि॒येण॑ वी॒र्ये॑ण व्य॒ध्यत॑ ए॒तामे॒व
नि॒र्वपे॑द्यस्य हि॒र॒ण्यं नश्ये॑द्यदा॒ग्नेयो॑ भव॒त्याग्ने॑यं वै हि॒र॒ण्यं
यस्यै॑ व हि॒र॒ण्यं तेनै॑वैन॒द्–वि॒न्दति॑ सा॒वि॒त्रो भव॑ति स॒वि॒तृ–प्र॑सूत
ए॒वैन॒द्–वि॒न्दति॑ भू॒म्यै च॒रु॒र्भव॑त्यस्यां वा ए॒तन्न॑श्यति
यन्न॑श्यत्यस्यामे॒वैन॒द्–वि॒न्दतीन्द्र॑ – [] 10

2.3.2.5 - Padam

ए॒व । नि॒रि॒ति॒ । व॒पेत् । हि॒र॒ण्यम् । वि॒त्त्वा । न । इ॒न्द्रि॒येण॑ । वी॒र्ये॑ण ।
वी॒ति॒ । ऋ॒ध्य॒ते॒ । ए॒ताम् । ए॒व । नि॒रि॒ति॒ । व॒पेत् । य॒स्य॑ । हि॒र॒ण्यम् ।
नश्ये॑त् । यत् । आ॒ग्ने॒यः । भव॑ति । आ॒ग्ने॒यम् । वै । हि॒र॒ण्यम् ।
य॒स्य॑ । ए॒व । हि॒र॒ण्यम् । तेन॑ । ए॒व । ए॒नत् । वि॒न्दति॑ । सा॒वि॒त्रः ।
भव॑ति । स॒वि॒तृप्र॑सूत इति स॒वि॒तृ – प्र॑सूतः । ए॒व । ए॒नत् ।

पद पाठे (वाक्य सहित) – द्वितीयकाण्डे – तृतीयः प्रश्नः

वि॒न्द॒ति॒ । भू॒म्यै॑ । च॒रुः॑ । भ॒व॒ति॒ । अ॒स्याम् । वै । ए॒तत् । न॒श्य॒ति॒ ।
यत् । न॒श्य॒ति॒ । अ॒स्याम् । ए॒व । ए॒नत् । वि॒न्द॒ति॒ । इ॒न्द्रः॑ । 10 (50)

2.3.2.6

–स्त्वष्टुः॑ सोम॑मभीष॑हाऽ पिब॑त् स विष्व॑ङ् व्या॑र्च्छत् स इन्द्रि॑येण
सोम॑पी॒थेन॑ व्या॑र्ध्यत॒ स यदूर्ध्व॑मु॒दव॑मीत् ते श्या॑माका॒ अभव॑न्त्स
प्र॒जाप॑तिमुपा॒धाव॑त् तस्मा॑ ए॒तम् सोमे॑न्द्रं॒ श्या॑माकं च॒रुं नि॒रव॑पत्
तेनै॑वास्मिन्निन्द्रि॑यम् सोम॑पी॒थम॑दधा॒द्वि वा ए॒ष इन्द्रि॑येण
सोम॑पी॒थेन॑र्ध्यते॒ यः सोमं॑ व॒मिति॒ यः सोम॑वामी स्यात्
तस्मा॑–[] 11

2.3.2.6 - Padam

त्वष्टुः॑ । सोम॑म् । अ॒भीष॑हेत्यभि – सहा॑ । अ॒पिब॑त् । सः । विष्व॑ङ् ।
वी॒ति॒ । आ॒र्च्छ॑त् । सः । इन्द्रि॑येण । सोम॑पी॒थेने॑ति सोम – पी॒थेन॑ ।
वी॒ति॒ । आ॒र्ध्य॑त । सः । यत् । ऊ॒र्ध्वम् । उ॒दव॑मीदित्युत् – अ॒वमी॑त् ।
ते । श्या॑माकाः । अ॒भव॑न् । सः । प्र॒जाप॑तिमि॒ति प्र॒जा – प॒तिम् ।
उ॒पेति॑ । अ॒धाव॑त् । तस्मै॑ । ए॒तम् । सोमे॑न्द्रम् । श्या॑माकम् । च॒रुम् ।

पद पाठे (वाक्य सहित) – द्वितीयकाण्डे – तृतीयः प्रश्नः

निरि॑ति । अ॒वप॑त् । तेन॑ । ए॒व । अ॒स्मिन् । इन्द्रि॑यम् ।
सोम॑पी॒थमि॑ति सोम – पी॒थम् । अ॒दधा॑त् । वी॒ति । वै । ए॒षः ।
इन्द्रि॑येण । सोम॑पी॒थेने॑ति सोम – पी॒थेन॑ । ऋ॒ध्यते॑ । यः । सोम॑म् ।
वमि॑ति । यः । सोम॑वा॒मीति॑ सोम – वा॒मी । स्या॑त् । तस्मै॑ ॥ 11 (50)

2.3.2.7

ए॒त॒ꣳ सोमेन्द्र॑ꣳ श्या॑मा॒कं च॒रुं निर्व॑पेथ् सोमं॑ चै॒वेन्द्रं॑ च
स्वेन॑ भा॒गधे॑येनोप॑ धावति॑ तावे॒वास्मिन्निन्द्रि॑यꣳ सोम॑पी॒थं ध॑त्तो
नेन्द्रि॑येण सोम॑पी॒थेन॑ व्य॒ध्यते॑ यत् सौ॒म्यो भ॑वति सोम॑पी॒थमे॒वाव॑
रुन्धे॑ यदैन्द्रो॑ भवतीन्द्रि॒यं वै सोम॑पी॒थ इन्द्रि॑यमे॒व सोम॑पी॒थम॑व
रुन्धे॑ श्या॒माको॑ भवत्येष॑ वाव स सोमः॑ – [] 12

2.3.2.7 - Padam

ए॒तम् । सोमेन्द्र॑म् । श्या॑मा॒कम् । च॒रुम् । निरि॑ति । व॒पेत् । सोम॑म् ।
च । ए॒व । इन्द्र॑म् । च । स्वेन॑ । भा॒गधे॑येनेति॑ भा॒ग-धे॑येन । उ॒पेति॑ ।
धा॒वति॑ । तौ । ए॒व । अ॒स्मिन् । इन्द्रि॑यम् । सोम॑पी॒थमि॑ति
सोम – पी॒थम् । ध॒त्तः । न । इन्द्रि॑येण ।

पद पाठे (वाक्य सहित) – द्वितीयकाण्डे – तृतीयः प्रश्नः

सोम॑पी॒थेने॑ति सोम – पी॒थेन॑ । वी॒ति । ऋ॒ध्यते॑ । यत् ।
सौ॒म्यः । भव॑ति । सोम॑पी॒थमि॑ति सोम – पी॒थम् । ए॒व । अवे॑ति ।
रु॒न्धे । यत् । ऐ॒न्द्रः । भव॑ति । इ॒न्द्रि॒यम् । वै । सोम॑पी॒थ इति॑
सोम – पी॒थः । इ॒न्द्रि॒यम् । ए॒व । सोम॑पी॒थमि॑ति सोम – पी॒थम् ।
अवे॑ति । रु॒न्धे । श्या॒माकः॑ । भव॑ति । ए॒षः । वा॒व । सः ।
सोमः॑ । 12 (50)

2.3.2.8

सा॒क्षादे॑व सोम॑पी॒थम॑व रु॒न्धे ऽग्नये॑ दा॒त्रे पु॒रोडा॑शम॒ष्टाक॑पालं
निर्व॑पेदिन्द्राय प्रदा॒त्रे पु॒रोडा॑शमेकादशकपालं पशु॑कामोऽग्निरेवास्मै
पशून् प्र॑जनयति वृ॒द्धानि॒न्द्रः प्र य॑च्छति दधि मधु घृ॒तमापो॑ धाना
भव॑न्त्येतद्वै पशू॒नां रूपं॑ रूपेणै॒व पशू॑नव रु॒न्धे पञ्च॑-गृहीतं
भव॑ति पा॒ङ्गा हि प॒शवो॑ बहु रूपं॑ भवति बहु रूपा हि
प॒शवः॑ – [] 13

पद पाठे (वाक्य सहित) – द्वितीयकाण्डे – तृतीयः प्रश्नः

2.3.2.8 - Padam

साक्षादिति स – अक्षात् । एव । सोमपीथमिति सोम – पीथम् ।
अवेति । रुन्धे । अग्नये ॥ दात्रे । पुरोडाशम् ।
अष्टाकपालमित्यष्टा – कपालम् । निरिति । वपेत् । इन्द्राय ।
प्रदात्र इति प्र – दात्रे । पुरोडाशम् ।
एकादशकपालमित्येकादश – कपालम् । पशुकाम इति
पशु – कामः । अग्निः । एव । अस्मै । पशून् । प्रजनयतीति
प्र – जनयति । वृद्धान् । इन्द्रः । प्रेति । यच्छति । दधि । मधु ।
घृतम् । आपः । धानाः । भवन्ति । एतत् । वै । पशूनाम् । रूपम् ।
रूपेण । एव । पशून् । अवेति । रुन्धे । पञ्चगृहीतमिति
पञ्च-गृहीतम् । भवति । पाङ्गाः ॥ हि । पशवः ।
बहुरूपमिति बहु – रूपम् । भवति । बहुरूपा इति बहु – रूपाः ।
हि । पशवः । 13 (50)

पद पाठे (वाक्य सहित) – द्वितीयकाण्डे – तृतीयः प्रश्नः

2.3.2.9

समृद्ध्यै प्राजापत्यं भवति प्राजापत्या वै पशवः प्रजापतिरेवास्मै
पशून् प्रजनयत्यात्मा वै पुरुषस्य मधु यन्मध्वग्नौ जुहोत्यात्मानमेव
तद्-यजमानोऽग्नौ प्रदधाति पङ्क्त्यौ याज्यानुवाक्ये भवतः पाङ्कः
पुरुषः पाङ्काः पशव आत्मानमेव मृत्योर्निष्क्रीयपशून्व रुन्धे । 14

2.3.2.9 - Padam

समृद्ध्यै इति सं – ऋद्ध्यै । प्राजापत्यमिति प्राजा – पत्यम् ।
भवति । प्राजापत्या इति प्राजा – पत्याः । वै । पशवः ।
प्रजापतिरिति प्रजा-पतिः । एव । अस्मै । पशून् । प्रेति । जनयति ।
आत्मा । वै । पुरुषस्य । मधु । यत् । मधु । अग्नौ । जुहोति ।
आत्मानम् । एव । तत् । यजमानः । अग्नौ । प्रेति ।
दधाति । पङ्क्त्यौ । याज्यानुवाक्ये इति याज्या – अनुवाक्ये ।
भवतः । पाङ्कः । पुरुषः । पाङ्काः । पशवः । आत्मानम् । एव ।

पद पाठे (वाक्य सहित) – द्वितीयकाण्डे – तृतीयः प्रश्नः

मृ॒त्योः । नि॒ष्क्री॑येति॒ निः – क्री॑य । प॒शून् । अ॒वेति॑ । रु॒न्धे । 14 (41)

(इन्द्रि॑यं – ऽस्मिन् – भू॒म्या – ए॒ता – मिन्द्रः॑ – स्यात् तस्मै॑ –
सोमो॑ – बहु॑ रू॒पा हि प॒शव॑ – एक॑चत्वारि॒ंशच्च॑) (A2)

2.3.3.1

दे॒वा वै स॒त्रमा॑सत॒-र्धि॑परि॒मितं॑ य॒शस्का॑मास्तेषां॑ सोम॑
रा॒जानं॑ य॒श आ॑र्च्छत् स गि॒रिमु॑दैत् तम॒ग्निर॑नूदैत् ताव॒ग्नीषो॑मौ
सम॑भवतां ताविन्द्रो॑ य॒ज्ञवि॑भ्रष्टोऽनु॒ परै॑त् ताव॒ब्रवी॑द्याजय॒तं मेति॑
तस्मा॑ ए॒तामिष्टिं॑ निरवपतामा॒ग्नेय॑-म॒ष्टाक॑पालमैन्द्र-मे॒काद॑शकपालं॑
सौ॒म्यं च॒रुं तयै॑वास्मिन् तेज॑ – [] 15

2.3.3.1 - Padam

दे॒वाः । वै । स॒त्रम् । आ॒सत॑ । ऋ॒द्धि॑परि॒मित॑मित्यृद्धि॑ – परि॒मितम् ।
य॒शस्का॑मा इति॑ य॒शः – का॒माः । तेषा॑म् । सोम॑म् । रा॒जानम् ।
य॒शः । आ॒र्च्छत् । सः । गि॒रिम् । उ॒दिति॑ । ऐ॒त् । तम् । अ॒ग्निः ।
अ॒नु । उ॒दिति॑ । ऐ॒त् । तौ । अ॒ग्नीषो॑मावित्य॒ग्नी- सोमौ॑ । समि॒ति ।
अ॒भव॑ताम् । तौ । इन्द्रः॑ । य॒ज्ञवि॑भ्रष्ट इति॑ य॒ज्ञ – वि॒भ्रष्टः॑ ।

पद पाठे (वाक्य सहित) – द्वितीयकाण्डे – तृतीयः प्रश्नः

अनु॑ । परेति॑ । ऐत् । तौ । अ॒ब्रवीत् । या॒जय॑तम् । मा । इति॑ ।
तस्मै॑ । ए॒ताम् । इष्टि॑म् । निरि॑ति । अ॒वप॑ताम् । आ॒ग्नेय॑म् ।
अ॒ष्टाक॑पाल॒मित्य॑ष्टा – क॒पालम् । ऐ॒न्द्रम् ।
एका॑दशकपाल॒मित्येका॑दश – क॒पालम् । सौ॒म्यम् । च॒रुम् । तया॑ ।
ए॒व । अ॒स्मिन् । तेजः॑ । 15 (50)

2.3.3.2

इन्द्रि॑यं ब्र॒ह्मव॑र्चसम॒धत्तां॑ यो य॒ज्ञवि॑भ्रष्टः स्यात् तस्मा॑ ए॒तामिष्टि॑
निर्व॑पेदाग्नेय-म॒ष्टाक॑पालमै॒न्द्र-मेका॑दशकपालꣳ सौ॒म्यं च॒रुं
य॒दाग्ने॑यो भवति॑ तेज॑ ए॒वास्मिन्॑ तेन॑ दधाति॑ यदैन्द्रो
भव॑तीन्द्रि॒यमे॒वास्मिन्॑ तेन॑ दधाति॑ यथ् सौ॒म्यो ब्र॒ह्मव॑र्चसं तेना॑
ऽऽग्ने॑यस्य च सौ॒म्यस्य॑ चै॒न्द्रे स॒माश्ले॑षयेत् तेज॑श्चै॒वास्मिन्॑
ब्र॒ह्मव॑र्चसं च स॒मीची॑ – [] 16

2.3.3.2 - Padam

इन्द्रि॑यम् । ब्र॒ह्मव॑र्चसमि॒ति ब्र॒ह्म – व॒र्चस॑म् । अ॒धत्ता॑म् । यः ।
य॒ज्ञवि॑भ्रष्ट इति॑ य॒ज्ञ – वि॒भ्रष्टः॑ । स्यात् । तस्मै॑ । ए॒ताम् । इष्टि॑म् ।

पद पाठे (वाक्य सहित) – द्वितीयकाण्डे – तृतीयः प्रश्नः

निरिति॑ । व॒पेत् । आ॒ग्ने॒यम् । अ॒ष्टा॒क॒पा॒ल॒मि॒त्य॒ष्टा – क॒पा॒लम् ।
ऐ॒न्द्रम् । ए॒का॒द॒श॒क॒पा॒ल॒मि॒त्ये॒का॒द॒श – क॒पा॒लम् । सौ॒म्यम् । च॒रुम् ।
यत् । आ॒ग्ने॒यः । भ॒वति॑ । तेजः॑ । ए॒व । अ॒स्मिन् । तेन॑ । द॒धा॒ति ।
यत् । ऐ॒न्द्रः । भ॒वति॑ । इ॒न्द्रि॒यम् । ए॒व । अ॒स्मिन् । तेन॑ । द॒धा॒ति ।
यत् । सौ॒म्यः । ब्र॒ह्म॒व॒र्च॒स॒मि॒ति ब्र॒ह्म – व॒र्च॒सम् । तेन॑ । आ॒ग्ने॒य॒स्य ।
च । सौ॒म्य॒स्य । च । ऐ॒न्द्रे । स॒मा॒श्ले॒ष॒ये॒दि॒ति सं – आ॒श्ले॒ष॒यत् ।
तेजः॑ । च । ए॒व । अ॒स्मिन् । ब्र॒ह्म॒व॒र्च॒स॒मि॒ति ब्र॒ह्म – व॒र्च॒सम् ।
च । स॒मी॒ची इति॑ । 16 (50)

2.3.3.3

द॒धा॒त्य॒ग्नी॒षो॒मी॒य – मे॒का॒द॒श॒क॒पा॒लं निर्व॑पेद्यं का॒मो नो॒प॒न॒मे॒दा॒ग्ने॒यो
वै ब्रा॒ह्म॒णः स सो॒मं पि॒बति॑ स्वा॒मे॒व दे॒वता॑ ७ स्वेन॑ भा॒ग॒धे॒ये॒नो॒प
धा॒वति॑ सै॒वैनं॑ का॒मे॒न स॒म॒र्ध॒य॒त्यु॒पैनं॑ का॒मो न॒म॒त्य॒ग्नी॒षो॒मी॒य –
म॒ष्टा॒क॒पा॒लं निर्व॑पेद् – ब्र॒ह्म॒व॒र्च॒स॒का॒मो – ऽग्नी॒षो॒मा वे॒व स्वेन॑

पद पाठे (वाक्य सहित) – द्वितीयकाण्डे – तृतीयः प्रश्नः

भा॒ग॒धे॒ये॒नो॒प॒ धा॒व॒ति॒ ता॒वे॒वा॒स्मिन्॑ ब्र॒ह्म॒व॒र्च॒सं॑ ध॒त्तो

ब्र॒ह्म॒व॒र्च॒स्ये॒व- [] 17

2.3.3.3 - Padam

द॒धा॒ति॒ । अ॒ग्नी॒षो॒मी॒य॒मि॒त्य॒ग्नी॑ - सो॒मी॒यम्॑ ।

ए॒का॒द॒श॒क॒पा॒ल॒मि॒त्ये॒का॒द॒श॑ - क॒पा॒लम्॑ । नि॒रि॒ति॒ । व॒पे॒त् । यम्॑ ।

का॒मः॑ । न । उ॒प॒न॒मे॒दि॒त्यु॒प॒-न॒मे॒त् । आ॒ग्ने॒यः॑ । वै । ब्रा॒ह्म॒णः॑ । सः॑ ।

सो॒मम्॑ । पि॒ब॒ति॒ । स्वा॒म् । ए॒व । दे॒व॒ता॒म् । स्वे॒न॑ । भा॒ग॒धे॒ये॒ने॒ति॑

भा॒ग॒ - धे॒ये॒न॑ । उ॒पे॒ति॑ । धा॒व॒ति॒ । सा॑ । ए॒व । ए॒नम्॑ । का॒मे॒न॑ ।

स॒मि॒ति॑ । अ॒र्ध॒य॒ति॒ । उ॒पे॒ति॑ । ए॒नम्॑ । का॒मः॑ । न॒म॒ति॑ ।

अ॒ग्नी॒षो॒मी॒य॒मि॒त्य॒ग्नी॑ - सो॒मी॒यम्॑ ।

अ॒ष्टा॒क॒पा॒ल॒मि॒त्य॒ष्टा॑ - क॒पा॒लम्॑ । नि॒रि॒ति॒ । व॒पे॒त् ।

ब्र॒ह्म॒व॒र्च॒स॒का॒म॒ इति॑ ब्र॒ह्म॒व॒र्च॒स॒ - का॒मः॑ ।

अ॒ग्नी॒षो॒मा॒वि॒त्य॒ग्नी॑ - सो॒मौ॑ । ए॒व । स्वे॒न॑ ।

भा॒ग॒धे॒ये॒ने॒ति॑ भा॒ग॒-धे॒ये॒न॑ । उ॒पे॒ति॑ । धा॒व॒ति॒ । तौ॑ । ए॒व । अ॒स्मि॒न् ।

पद पाठे (वाक्य सहित) – द्वितीयकाण्डे – तृतीयः प्रश्नः

ब्रह्मवर्चसमिति ब्रह्म – वर्चसम् । धत्तः ।

ब्रह्मवर्चसीति ब्रह्म – वर्चसी । एव । 17 (50)

2.3.3.4

भवति यदष्टाकपाल-स्तेनाऽऽग्नेयो यच्छयामाकस्तेन सौम्यः
समृद्ध्यै सोमाय वाजिने श्यामाकं चरुं निर्वपेद्यः क्लैब्याद्विभीयाद्
रेतो हि वा एतस्माद्-वाजिनमपक्रामत्यथैष क्लैब्याद्विभाय सोममेव
वाजिनं स्वेन भागधेयेनोप धावति स एवास्मिन् रेतो वाजिनं
दधाति न क्लीबो भवतिब्राह्मणस्पत्य-मेकादशकपालं निर्वपेद्
ग्रामकामो – [] 18

2.3.3.4 - Padam

भवति । यत् । अष्टाकपाल इत्यष्टा – कपालः । तेन ।
आग्नेयः । यत् । श्यामाकः । तेन । सौम्यः । समृद्ध्यै इति
सं – ऋद्ध्यै । सोमाय । वाजिने । श्यामाकम् । चरुम् । निरिति ।
वपेत् । यः । क्लैब्यात् । विभीयात् । रेतः । हि । वै । एतस्मात् ।
वाजिनम् । अपक्रामतीत्यप – क्रामति । अथ । एषः । क्लैब्यात् ।

पद पाठे (वाक्य सहित) – द्वितीयकाण्डे – तृतीयः प्रश्नः

बि॒भा॒य । सोम॑म् । ए॒व । वा॒जिन॑म् । स्वे॒न । भा॒ग॒धे॒ये॒नेति॑
भा॒ग – धे॒ये॒न । उपे॑ति । धा॒व॒ति । सः । ए॒व । अ॒स्मिन् । रे॒तः ।
वा॒जिन॑म् । द॒धा॒ति । न । क्ली॒बः । भ॒व॒ति । ब्रा॒ह्म॒ण॒स्प॒त्यमि॑ति
ब्रा॒ह्म॒णः – प॒त्यम् । ए॒का॒द॒श॒क॒पा॒ल॒मि॒त्ये॒का॒द॒श॒क॒पा॒लम् । नि॒रि॒ति ।
व॒पेत् । ग्रा॒म॒का॒म इति॑ ग्रा॒म – का॒मः । 18 (50)

2.3.3.5

ब्र॒ह्म॒ण॒स्प॒ति॒मे॒व स्वे॒न भा॒ग॒धे॒ये॒नो॒प धा॒व॒ति स ए॒वा॒स्मै स॒जा॒ता॒न्
प्र य॑च्छति ग्रा॒म्ये॒व भ॒व॒ति ग॒ण॒व॒ती या॒ज॒या॒नु॒वा॒क्ये भ॒व॒तः
स॒जा॒तै॒रे॒वैनं॑ ग॒ण॒व॒न्तं क॒रो॒त्ये॒ता॒मे॒व नि॒र्व॒पे॒द्यः का॒म॒ये॒त ब्र॒ह्म॒न् वि॒शं
वि॑ ना॒श॒ये॒यमि॑ति मा॒रु॒ती या॒ज्या॒नु॒वा॒क्ये कुर्या॑द् ब्र॒ह्म॒न्ने॒व
वि॒शं वि॑ ना॒श॒य॒ति । 19

2.3.3.5 - Padam

ब्र॒ह्म॒णः । प॒ति॒म् । ए॒व । स्वे॒न । भा॒ग॒धे॒ये॒नेति॑ भा॒ग–धे॒ये॒न । उपे॑ति ।
धा॒व॒ति । सः । ए॒व । अ॒स्मै । स॒जा॒ता॒निति॑ स – जा॒ता॒न् । प्रे॑ति ।
य॑च्छति । ग्रा॒मी । ए॒व । भ॒व॒ति । ग॒ण॒व॒ती इति॑ ग॒ण – व॒ती ।

पद पाठे (वाक्य सहित) – द्वितीयकाण्डे – तृतीयः प्रश्नः

या॒ज्यानु॒वाक्ये॑ इति याज्या – अनु॒वाक्ये॑ । भवतः । स॒जातैरिति॑
स – जा॒तैः । ए॒व । ए॒नम् । गण॑वन्तमिति गण – वन्तम् । करोति ।
ए॒ताम् । ए॒व । निरिति॑ । व॒पेत् । यः । का॒मये॑त । ब्र॒ह्मन् । वि॒शम् ।
वी॒ति । ना॒शये॑यम् । इति । मा॒रुती॑ इति ।

या॒ज्यानु॒वाक्ये॑ इति याज्या – अनु॒वाक्ये॑ । कुर्यात् । ब्र॒ह्मन् । ए॒व ।
वि॒शम् । वी॒ति । ना॒शय॑ति । 19 (43) (तेजः – समीची –
ब्र॒ह्मव॑र्चस्यै॒व – ग्रा॒मका॑म – स्त्रि॑चत्वारि॒ंशच्च) (A3)

2.3.4.1

अ॒र्य॒म्णे च॒रुं निर्व॑पेत् सु॒वर्ग॑का॒मोऽसौ॑ वा आ॒दि॒त्योर्ज्य॑मा॒र्ज्यम॑णमे॒व
स्वेन॑ भा॒गधे॑येनोप॑ धावति स ए॒वैनं॑ सु॒वर्गं॑ लो॒कं ग॑मयत्य॒र्य॒म्णे
च॒रुं निर्व॑पेद्यः का॒मये॑त दान॑क॒मा मे॑ प्र॒जाः स्यु॑रित्यसौ वा
आ॒दि॒त्योर्ज्य॑मा यः खलु॑ वै ददा॑ति सो॒र्ज्यमा॒र्ज्यम॑णमे॒व स्वेन॑
भा॒गधे॑येनोप॑ धावति स ए॒वा – [] 20

पद पाठे (वाक्य सहित) – द्वितीयकाण्डे – तृतीयः प्रश्नः

2.3.4.1 - Padam

अ॒र्य॒म्णे । च॒रुम् । नि॒रि॒ति॑ । व॒पेत् । सु॒व॒र्ग॒का॒म॒ इति॑ सु॒व॒र्ग॒-का॒मः ।
अ॒सौ । वै । आ॒दि॒त्यः । अ॒र्य॒मा । अ॒र्य॒म॒ण॒म् । ए॒व । स्वे॒न ।
भा॒ग॒धे॒ये॒ने॒ति॑ भा॒ग - धे॒ये॒न । उ॒पे॒ति॑ । धा॒व॒ति॑ । सः । ए॒व । ए॒न॒म् ।
सु॒व॒र्ग॒मि॒ति॑ सु॒वः - ग॒म् । लो॒क॒म् । ग॒म॒य॒ति॑ । अ॒र्य॒म्णे । च॒रुम् ।
नि॒रि॒ति॑ । व॒पेत् । यः । का॒म॒ये॒त । दा॒न॒का॒मा॒ इति॑ दा॒न॒-का॒माः । मे॒ ।
प्र॒जा इति॑ प्र॒-जाः । स्युः । इति॑ । अ॒सौ । वै । आ॒दि॒त्यः । अ॒र्य॒मा ।
यः । ख॒लु । वै । द॒दा॒ति॑ । सः । अ॒र्य॒मा । अ॒र्य॒म॒ण॒म् । ए॒व । स्वे॒न ।
भा॒ग॒धे॒ये॒ने॒ति॑ भा॒ग - धे॒ये॒न । उ॒पे॒ति॑ । धा॒व॒ति॑ । सः । ए॒व । 20 (50)

2.3.4.2

-स्मै॑ दा॒न॒का॒माः प्र॒जाः क॒रो॒ति॑ दा॒न॒का॒मा अ॒स्मै॑ प्र॒जा भ॒व॒न्त्य॒र्य॒म्णे
च॒रुं नि॒र्व॒पे॒द्यः॑ का॒म॒ये॒त स्व॒स्ति॑ ज॒न॒ता॒मि॒या॒मि॒त्य॒सौ वा आ॒दि॒त्यो॑-
र्य॒मा- र्य॒म॒ण॒मे॒व स्वे॒न भा॒ग॒धे॒ये॒नो॒प धा॒व॒ति॑ स ए॒वैनं॑ तद्-ग॒म॒य॒ति॑
यत्र॑ जि॒ग॒मि॒ष॒ती॒न्द्रो॑ वै दे॒वा॒ना॒मा॒नु॒जा॒वर॑ आ॒सी॒थ् स प्र॒जा॒प॒ति॑ -
मु॒पा॒धा॒व॒त् तस्मा॑ ए॒त॒मै॒न्द्र॒मा॒नु॒षू॒क॒मे॒का॒द॒श॒क॒पा॒लं नि- [] 21

पद पाठे (वाक्य सहित) – द्वितीयकाण्डे – तृतीयः प्रश्नः

2.3.4.2 - Padam

अ॒स्मै । दान॑कामा॒ इति॑ दान॑ – का॒माः । प्र॒जा इति॑ प्र – जाः ।
क॒रोति॑ । दान॑कामा॒ इति॑ दान॑ – का॒माः । अ॒स्मै । प्र॒जा इति॑
प्र – जाः । भ॒वन्ति॑ । अ॒र्य॒म॒णे । च॒रुम् । नि॒रिति॑ । व॒पेत् । यः ।
का॒मये॑त । स्व॒स्ति । ज॒नता॑म् । इ॒याम् । इति॑ । अ॒सौ । वै ।
आ॒दि॒त्यः । अ॒र्य॒मा । अ॒र्य॒म॒णम् । ए॒व । स्वे॒न । भा॒ग॒धे॒येनेति॑
भा॒ग॒धे॒येन॑ । उ॒पेति॑ । धा॒वति॑ । सः । ए॒व । ए॒नम् । तत् । ग॒मय॑ति ।
यत्र॑ । जि॒ग॒मिष॑ति । इ॒न्द्रः । वै । दे॒वाना॑म् । आ॒नु॒जा॒वर॑
इ॒त्यानु॑ – जा॒वरः । आ॒सीत् । सः । प्र॒जाप॑तिमि॒ति प्र॒जा – प॒तिम् ।
उ॒पेति॑ । अ॒धा॒वत् । तस्मै॑ । ए॒तम् । ऐ॒न्द्रम् ।
आ॒नु॒षू॒कमि॑त्यानु – सू॒कम् । ए॒का॒द॒श॒क॒पा॒लमि॑त्ये॒का॒द॒श॒क॒पा॒लम् ।
नि॒रिति॑ । 21 (50)

2.3.4.3

–र॒व॒प॒त् तेनै॑वैन॒म॒ग्रं दे॒वता॑नां पर्य॑णयद् बु॒ध्न॒वती॑ अ॒ग्र॒वती॑
या॒ज्यानु॑वाक्ये अ॒करो॑द् बु॒ध्ना–दे॒वैन॒म॒ग्रं पर्य॑णय॒द्यो रा॒ज॒न्य॑ आ॒नु॒जा॒वरः॑

पद पाठे (वाक्य सहित) – द्वितीयकाण्डे – तृतीयः प्रश्नः

स्यात् तस्मा॑ ए॒तमै॑न्द्र॒मानु॑षू॒क-मे॑काद॒शक॑पालं॒ निर्व॑पेदिन्द्र॒मेव॑ स्वेन॒
भा॒ग॒धे॒येनो॑प॒ धाव॑ति॒ स ए॒वैन॑मग्रं॒ समा॑नानां॒ परि॑णयति॒ बु॒ध्नव॑ती॒
अ॒ग्रव॑ती या॒ज्यानु॑वाक्ये॒ भव॑तो बु॒ध्नादे॒वैन॑मग्रं – [] 22

2.3.4.3 - Padam

अ॒वप॑त् । तेन॑ । ए॒व । ए॒नम् । अ॒ग्रम् । दे॒वता॑नाम् । प॒रीति॑ ।
अ॒नय॑त् । बु॒ध्नव॑ती इति॒ बु॒ध्न - व॑ती । अ॒ग्रव॑ती इत्य॒ग्र - व॑ती ।
या॒ज्यानु॑वाक्ये॒ इति॑ या॒ज्या-अ॒नुवा॑क्ये । अ॒करो॑त् । बु॒ध्नात् । ए॒व ।
ए॒नम् । अ॒ग्रम् । प॒रीति॑ । अ॒नय॑त् । यः । रा॒जन्यः॑ ।
आ॒नुजा॑वर इत्या॒नु - जा॑वरः । स्यात् । तस्मै॑ । ए॒तम् । ऐ॒न्द्रम् ।
आ॒नुषू॑कमित्या॒नु - सू॒कम् । ए॒काद॑शक॒पाल॑मित्ये॒काद॑श-क॒पालम् ।
नि॒रिति॑ । व॒पेत् । इन्द्र॑म् । ए॒व । स्वेन॑ । भा॒ग॒धे॒येनेति॑ भा॒ग-धे॒येन॑ ।
उ॒पेति॑ । धा॒वति॑ । सः । ए॒व । ए॒नम् । अ॒ग्रम् । स॒मा॒ना॒नाम् । प॒रीति॑ ।
न॒यति॑ । बु॒ध्नव॑ती इति॒ बु॒ध्न - व॑ती । अ॒ग्रव॑ती इत्य॒ग्र - व॑ती ।

पद पाठे (वाक्य सहित) – द्वितीयकाण्डे – तृतीयः प्रश्नः

या॒ज्यानु॒वाक्ये॑ इति या॒ज्या – अनु॒वाक्ये॑ । भवतः । बु॒ध्नात् ।

ए॒व । ए॒नम् । अ॒ग्रम् । 22 (50)

2.3.4.4

परि॑ णय॒त्यानु॒षूको॑ भव॒त्येषा॑ ह्येत॒स्य दे॒वता॑ य आ॒नुजा॒वरः

समृ॑द्ध्यै यो ब्रा॒ह्मण॑ आ॒नुजा॒वरः स्यात् तस्मा॑ ए॒तं बा॒र्हस्प॑त्यमा॒नुषू॑कं

च॒रुं निर्व॑पेद् बृ॒हस्प॑तिमे॒व स्वेन॑ भा॒गधे॒येनो॑प धावति॑ स ए॒वैन॑म॒ग्रं

समा॑नानां परिणयति॑ बु॒ध्नव॑ती अ॒ग्रव॑ती या॒ज्यानु॒वाक्ये॑ भवतो॑

बु॒ध्नादे॒वैन॑म॒ग्रं परि॑ णय॒त्यानु॒षूको॑ भव॒त्येषा॑ ह्येत॒स्य () दे॒वता॑ य

आ॒नुजा॒वरः समृ॑द्ध्यै । 23

2.3.4.4 - Padam

परी॑ति । न॒यति॑ । आ॒नुषू॑क इत्या॒नु – सू॒कः । भव॑ति । ए॒षा । हि ।

ए॒तस्य॑ । दे॒वता॑ । यः । आ॒नुजा॒वर इत्या॒नु – जा॒वरः । समृ॑द्ध्यै

इति॑ सं- ऋ॒द्ध्यै । यः । ब्रा॒ह्मणः॑ । आ॒नुजा॒वर इत्या॒नु – जा॒वरः ।

स्यात् । तस्मै॑ । ए॒तम् । बा॒र्हस्प॑त्यम् । आ॒नुषू॑कमित्या॒नु-सू॒कम् ।

च॒रुम् । निरि॑ति । व॒पेत् । बृ॒हस्प॑तिम् । ए॒व । स्वेन॑ ।

पद पाठे (वाक्य सहित) – द्वितीयकाण्डे – तृतीयः प्रश्नः

भा॒ग॒धे॒ये॒ने॒ति॒ भा॒ग॒ – धे॒ये॒न॒ । उ॒पे॒ति॒ । धा॒व॒ति॒ । सः॒ । ए॒व॒ । ए॒न॒म् ।
अ॒ग्र॒म् । स॒मा॒ना॒ना॒म् । प॒री॒ति॒ । न॒य॒ति॒ । बु॒ध्न॒व॒ती॒ इति॒ बु॒ध्न॒-व॒ती॒ ।
अ॒ग्र॒व॒ती॒ इत्य॒ग्र॒ – व॒ती॒ । या॒ज्या॒नु॒वा॒क्ये॒ इति॒ या॒ज्या॒ – अ॒नु॒वा॒क्ये॒ ।
भ॒व॒तः॒ । बु॒ध्ना॒त् । ए॒व॒ । ए॒न॒म् । अ॒ग्र॒म् । प॒री॒ति॒ । न॒य॒ति॒ ।
आ॒नु॒षू॒क॒ इत्या॒नु॒ – सू॒कः॒ । भ॒व॒ति॒ । ए॒षा॒ । हि॒ । ए॒त॒स्य॒ () ।
दे॒व॒ता॒ । यः॒ । आ॒नु॒जा॒वर॒ इत्या॒नु॒ – जा॒वरः॒ ।
स॒मृ॒द्ध्य॒ इति॒ सं॒ – ऋ॒द्ध्यै॒ । 23 (54)

(ए॒व॒ – नि॒र॒ – ग्र॑-मे॒त॒स्य॑ – च॒त्वारि॑ च) (A4)

2.3.5.1

प्र॒जा॒प॒ते॒स्त्रय॑स्त्रि॒ंश॒द् दु॒हि॒तर॑ आ॒स॒न् ताः॑ सो॒मा॒य॒ रा॒ज्ञे॑ऽद॒दा॒त्
ता॒सां॑ रो॒हि॒णी॒मु॒पै॒त् ता॑ ई॒र्ष्य॑न्तीः पु॒न॒र॒ग॒च्छ॒न् ता॑ अ॒न्वै॒त् ताः॑
पु॒न॒र॒या॒च॒त॒ ता॑ अ॒स्मै॒ न पु॒न॒र॒द॒दा॒त् सो॑ऽब्र॒वी॒दृ॒त॒म॒मी॒ष्व॒ यथा॑
स॒मा॒व॒च्छ॒ उ॒पै॒ष्या॒म्य॒थ॒ ते पु॒न॒र्दा॒स्या॒मी॒ति॒ स ऋ॒त॒मा॒मी॒त् ता॑ अ॒स्मै॒
पु॒न॒र॒द॒दा॒त् ता॒सां॑ रो॒हि॒णी॒मे॒वो॒पै॒त् – [] 24

पद पाठे (वाक्य सहित) – द्वितीयकाण्डे – तृतीयः प्रश्नः

2.3.5.1 - Padam

प्रजापतेरिति प्रजा – पतेः । त्रयस्त्रिंशदिति त्रयः – त्रिंशत् ।
दुहितरः । आसन् । ताः । सोमाय । राज्ञे । अददात् । तासाम् ।
रोहिणीम् । उपेति । ऐत् । ताः । ईर्ष्यन्तीः । पुनः । अगच्छन् । ताः ।
अन्विति । ऐत् । ताः । पुनः । अयाचत । ताः । अस्मै । न । पुनः ।
अददात् । सः । अब्रवीत् । ऋतम् । अमीष्व । यथा । समावच्छ इति
समावत् – शः । उपैष्यामीत्युप – एष्यामि । अथ । ते । पुनः ।
दास्यामि । इति । सः । ऋतम् । आमीत् । ताः । अस्मै । पुनः ।
अददात् । तासाम् । रोहिणीम् । एव । उपेति । 24 (50)

2.3.5.2

तं यक्ष्म आच्छत्-राजानं यक्ष्म आरदिति तद्-राजयक्ष्मस्य जन्म
यत् पापीयानभवत् तत् पापयक्ष्मस्य यज्जायाभ्योऽविन्दत्
तज्जायेन्यस्यय एवमेतेषां यक्ष्माणां जन्म वेद नैनमेते यक्ष्मा
विन्दन्तिस एता एव नमस्यन्नुपाधावत् ता अब्रुवन् वरं वृणामहै
समावच्छ एव न उपाय इति तस्मा एत – [] 25

पद पाठे (वाक्य सहित) – द्वितीयकाण्डे – तृतीयः प्रश्नः

2.3.5.2 - Padam

ऐ॒त् । तम् । य॒क्ष्मः॑ । आ॒र्च्छ॒त् । रा॒जा॒नम् । य॒क्ष्मः॑ । आ॒र॒त् । इति॑ ।
तत् । रा॒ज॒य॒क्ष्म॒स्येति॑ रा॒ज-य॒क्ष्म॒स्य॑ । ज॒न्म॑ । यत् । पा॒पी॒या॒न् ।
अ॒भ॒व॒त् । तत् । पा॒प॒य॒क्ष्म॒स्येति॑ पा॒प - य॒क्ष्म॒स्य॑ । यत् । जा॒या॒भ्यः॑ ।
अ॒वि॒न्द॒त् । तत् । जा॒ये॒न्य॒स्य॑ । यः । ए॒वम् । ए॒तेषा॑म् । य॒क्ष्मा॑णाम् ।
ज॒न्म॑ । वे॒द॑ । न । ए॒नम् । ए॒ते । य॒क्ष्माः॑ । वि॒न्द॒न्ति॑ । सः । ए॒ताः ।
ए॒व । न॒म॒स्य॒न् । उ॒पेति॑ । अ॒धा॒व॒त् । ताः । अ॒ब्रु॒व॒न् । व॒रम् ।
वृ॒णा॒म॒है । स॒मा॒व॒च्छ॒ इति॑ स॒मा॒व॒त् - शः॑ । ए॒व । नः॑ । उ॒पेति॑ ।
अ॒यः॑ । इति॑ । तस्मै॑ । ए॒तम् । 25 (50)

2.3.5.3

-मा॒दि॒त्यं च॒रुं नि॒र॒व॒प॒न् ते॒नै॒वैनं॑ पा॒पा॒थ् स्रा॒मा॒द॒मु॒ञ्च॒न्
यः पा॒प॒य॒क्ष्म॒गृ॒ही॒तः स्या॒त् तस्मा॑ ए॒त॒मा॒दि॒त्यं च॒रुं नि॒र्व॒पे॒द॒दि॒या॒ने॒व
स्वे॒न भा॒ग॒धे॒ये॒नो॒प ध॒व॒ति॒ त ए॒वैनं॑ पा॒पा॒थ् स्रा॒मा॒न्मु॒ञ्च॒न्त्य-
मा॒वा॒स्या॒यां नि॒र्व॒पे॒द॒मु॒मे॒वैन-मा॒प्या॒य॒मा॒न-म॒न्वा प्या॒य॒य॒ति न॒वो॒न॒वो
भ॒व॒ति॒ जा॒य॒मा॒न॒ इति॑ पु॒रोऽनु॒वा॒क्या भ॒व॒त्या॒यु॒रे॒वा॒स्मिन् () तया॑

पद पाठे (वाक्य सहित) – द्वितीयकाण्डे – तृतीयः प्रश्नः

दधाति॑ यमा॑दित्या॑ अ॒ञ्शुमा॑प्याययन्तीति॑ याज्यै॑वैनमे॑तया॑

प्याययति । 26

2.3.5.3 - Padam

आ॒दि॒त्यम् । च॒रुम् । नि॒रि॒ति॑ । अ॒व॒प॒न् । ते॒न॑ । ए॒व । ए॒नम् ।
पा॒पात् । स्रा॒मात् । अ॒मु॒ञ्च॒न् । यः । पा॒प॒य॒क्ष्म॒गृ॒ही॒त॑ इति॑
पा॒प॒य॒क्ष्म॒ – गृ॒ही॒तः॑ । स्यात् । तस्मै॑ । ए॒तम् । आ॒दि॒त्यम् । च॒रुम् ।
नि॒रि॒ति॑ । व॒पेत् । अ॒दि॒त्यान् । ए॒व । स्वे॒न॑ । भा॒ग॒धे॒ये॒ने॒ति॑
भा॒ग॒ – धे॒ये॒न॑ । उ॒पे॒ति॑ । धा॒व॒ति॑ । ते॒ । ए॒व । ए॒नम् । पा॒पात् ।
स्रा॒मात् । मु॒ञ्च॒न्ति॑ । अ॒मा॒वा॒स्या॒या॒मि॒त्य॒मा॒ – वा॒स्या॒या॒म् । नि॒रि॒ति॑ ।
व॒पेत् । अ॒मुम् । ए॒व । ए॒नम् । आ॒प्या॒य॒मा॒न॒मि॒त्या॑ – प्या॒य॒मा॒नम् ।
अ॒नु॒ । ए॒ति॑ । प्या॒य॒य॒ति॑ । न॒वो॒न॒व॑ इति॑ न॒वः॑ – न॒वः॑ । भ॒व॒ति॑ ।
जा॒य॒मा॒नः॑ । इति॑ । पु॒रो॒नु॒वा॒क्ये॒ति॑ पु॒रः॑ – अ॒नु॒वा॒क्या॑ ।
भ॒व॒ति॑ । आ॒युः॑ । ए॒व । अ॒स्मि॒न् () । तया॑ । दधाति॑ । यम् ।
आ॒दि॒त्याः॑ । अ॒ञ्शुम् । आ॒प्या॒य॒य॒न्ती॒त्या॑ – प्या॒य॒य॒न्ति॑ । इति॑ ।

पद पाठे (वाक्य सहित) – द्वितीयकाण्डे – तृतीयः प्रश्नः

या॒ज्या॑ । ए॒ति॑ । ए॒व । ए॒नम् । ए॒तया॑ । प्या॒य॒यति॑ । 26 (63)

(ए॒वो॒पै – त – म॒स्मिन् – त्रयो॑द॒शच॑) (A5)

2.3.6.1

प्र॒जा॒पति॑ दे॒वेभ्यो॑ऽन्नाद्यं॑ व्यादि॒शत् सौ॑ऽब्रवी॒द्यदि॑मान्
लो॒कान॑भ्यतिरि॒च्यातै॑ तन्ममा॒सदिति॑ तदि॒मान् लो॒कान॑भ्यत्यरि॒च्यतेन्द्र॑
रा॒जा॒नमिन्द्र॑म॒धि॒रा॒जमिन्द्र॑ स्वरा॒जानं॑ ततो॒ वै स॒ इ॒मान् लो॒का
स्त्रे॒धाऽदु॑हत् तत् त्रि॒धातो॑स्त्रि॒धातु॑त्वं यं का॒मये॑तान्नादः स्या॒दिति॑ तस्मा॑
ए॒तं त्रि॒धातुं॑ निर्व॒पेदिन्द्रा॑य॒ राज्ञे॑ पु॒रोडा॑श – [] 27

2.3.6.1 - Padam

प्र॒जा॒पति॑रिति॑ प्र॒जा – प॒तिः । दे॒वेभ्यः॑ । अ॒न्नाद्य॑मित्य॒न्न – अद्य॑म् ।
व्यादि॒शदिति॑ वि – आदि॒शत् । सः । अ॒ब्रवी॑त् । यत् । इ॒मान् ।
लो॒कान् । अ॒भीति॑ । अ॒तिरि॒च्याता॑ इत्य॒ति – रि॒च्यातै॑ । तत् । म॒म ।
अ॒सत् । इति॑ । तत् । इ॒मान् । लो॒कान् । अ॒भि । अ॒तीति॑ ।
अ॒रि॒च्यत॑ । इन्द्र॑म् । रा॒जा॒नम् । इन्द्र॑म् । अ॒धि॒रा॒जमि॑त्य॒धि – रा॒जम् ।

पद पाठे (वाक्य सहित) – द्वितीयकाण्डे – तृतीयः प्रश्नः

इन्द्रम् । स्वराजानमिति स्व – राजानम् । ततः । वै । सः । इमान् ।
लोकान् । त्रेधा । अदुहत् । तत् । त्रिधातोरिति त्रि – धातौः ।
त्रिधातुत्वमिति त्रिधातु – त्वम् । यम् । कामयेत ।
अन्नाद इत्यन्न – अदः । स्यात् । इति । तस्मै । एतम् ।
त्रिधातुमिति त्रि – धातुम् । निरिति । वपेत् । इन्द्राय । राज्ञे ।
पुरोडाशम् । 27 (50)

2.3.6.2

–मेकादशकपाल–मिन्द्राया–धिराजायेन्द्राय स्वराज्ञेऽयं वा इन्द्रो
राजाऽयमिन्द्रो–ऽधिराजो–ऽसाविन्द्रः स्वराडिमानेव लोकान्त्–स्वेन
भागधेयेनोप धावति त एवास्मा अन्नं प्रयच्छन्त्यन्नाद एव
भवति यथा वथ्सेन प्रत्तां गां दुह एवमेवेमान् लोकान् प्रत्तान्
काममन्नाद्यं दुह उत्तानेषु कपालेष्वधि श्रयत्ययातयामत्वाय
त्रयः () पुरोडाशा भवन्ति त्रय इमे लोका एषां लोकानामाप्या

पद पाठे (वाक्य सहित) – द्वितीयकाण्डे – तृतीयः प्रश्नः

उत्तर॑उत्तरो॑ ज्या॒यान् भव॑त्ये॒वमि॒व ही॒मे लो॒काः समृ॑द्ध्यै॒ सर्वे॑षामभि॒-
गम॑यन्न॒व द्य॒त्यच्छ॑म्बट्कारं॒ व्य॒त्यास॑मन्वा॒हानि॑र्दाहाय । 28

2.3.6.2 - Padam

एका॑दश॒कपा॑लमि॒त्येका॑दश – क॒पा॒लम् । इन्द्रा॑य ।
अधि॑राजायेत्यधि – राजा॑य । इन्द्रा॑य । स्वरा॑ज्ञ इति॒ स्व – राज्ञे॑ ।
अय॑म् । वै । इन्द्रः॑ । राजा॑ । अय॑म् । इन्द्रः॑ । अधि॑राज
इत्यधि॑ – राजः॑ । असौ॑ । इन्द्रः॑ । स्वरा॑डिति॒ स्व – राट् । इमा॑न् ।
ए॒व । लो॒कान् । स्वे॒न । भा॒गधे॑येनेति॒ भाग॑ – धेये॑न । उपेति॑ ।
धा॒वति॑ । ते । ए॒व । अ॒स्मै । अन्न॑म् । प्रेति॑ । यच्छ॑न्ति । अन्ना॑द
इत्यन्न॑ – अदः॑ । ए॒व । भव॑ति । यथा॑ । व॒थ्से॒न । प्र॒त्ताम् । गा॒म् ।
दु॒हे । ए॒वम् । ए॒व । इ॒मा॒न् । लो॒कान् । प्र॒त्तान् । का॒मम् ।
अन्ना॑द्यमित्यन्न – अद्य॑म् । दु॒हे । उ॒त्ताने॑ष्वित्युत्-ताने॑षु । क॒पा॒लेषु॑ ।
अधी॑ति । श्रय॑ति । अया॑तयाम॒त्वाये॑त्यया॒तयाम॑ – त्वा॒य । त्रयः॑ () ।
पु॒रोडा॑शाः । भव॑न्ति । त्रयः॑ । इ॒मे । लो॒काः । ए॒षाम् । लो॒काना॑म् ।

पद पाठे (वाक्य सहित) – द्वितीयकाण्डे – तृतीयः प्रश्नः

आप्त्यै॑ । उत्तर॑ उत्तर॑ इत्युत्तरः॑ – उत्तरः॑ । ज्यायान्॑ । भवति॑ । ए॒वम् ।
इ॒व । हि॑ । इ॒मे । लो॒काः । समृ॑द्ध्य॒ इति॑ सं-ऋ॒द्ध्यै॑ । सर्वे॑षाम् ।
अभि॑गमयन्नित्यभि॑ – गमयन्॑ । अवेति॑ । द्यति॑ ।
अछं॑बट्कारमित्यछं॑बट् – कारम् । व्यत्यास॑मिति॑ वि – अत्यास॑म् ।
अन्विति॑ । आ॒ह । अनि॑र्दाहायेत्यनिः॑ – दाहाय॑ । 28 (76)

(पुरोडाशं – त्रयः – षड्विंशतिश्च) (A6)

2.3.7.1

दे॒वा॒सु॒राः सँय॑त्ता आ॒सन् तान् दे॒वान॑सु॒रा अज॑यन् ते दे॒वाः
परा॑जि॒ग्याना॑ अ॒सुरा॑णां वैश्य॑मुपा॒ऽऽयन् तेभ्य॑ इन्द्रि॒यं वी॑र्य॒मपा॑क्रामत्
तदिन्द्रो॑ऽचायत् तदन्व॑पाक्रामत् तदव॑रुधं नाश॑क्नोत् तदस्मा॑दभ्य॒र्धो
ऽच॒रथ् स प्र॒जाप॑तिमुपा॒धावत् तमे॑तया॒ सर्व॑पृष्ठयाऽयाज॑यत्
तयै॑वास्मिन्निन्द्रि॒यं वी॑र्य॒मदधा॑द्य इन्द्रि॒यका॑मो – [] 29

2.3.7.1 - Padam

दे॒वा॒सु॒रा इति॑ दे॒व – अ॒सुराः॑ । सँय॑त्ता इति॑ सं-य॒त्ताः । आ॒सन् ।
तान् । दे॒वान् । अ॒सुराः॑ । अज॑यन् । ते । दे॒वाः ।

पद पाठे (वाक्य सहित) – द्वितीयकाण्डे – तृतीयः प्रश्नः

पराजि॒ग्या॒ना इति॑ परा – जि॒ग्या॒नाः । असु॑राणाम् । वैश्य॑म् । उपेति॑ ।
आय॑न् । तेभ्यः॑ । इन्द्रि॑यम् । वीर्य॑म् । अपेति॑ । अक्राम॑त् । तत् ।
इन्द्रः॑ । अचा॑यत् । तत् । अनु॑ । अपेति॑ । अक्राम॑त् । तत् ।
अवरु॑धमित्यव – रुध॑म् । न । अशक्नो॑त् । तत् । अस्मात् ।
अभ्य॑र्ध इत्यभि॑ – अर्धः॑ । अचर॑त् । सः । प्रजा॑पतिमिति॑
प्रजा – पति॑म् । उपेति॑ । अधा॑वत् । तम् । एतया॑ । सर्व॑पृष्ठयेति॑
सर्व – पृष्ठ॑या । अयाज॑यत् । तया॑ । एव । अस्मिन् । इन्द्रि॑यम् ।
वीर्य॑म् । अदधा॑त् । यः । इन्द्रि॑यकाम इतीन्द्रि॑य – कामः॑ । 29 (50)

2.3.7.2

वीर्य॑कामः स्यात् तमेतया॑ सर्व॑पृष्ठया याजयेदेता॑ एव देवताः॑ स्वेन॑
भाग॑धेयेनोप॑ धावति॑ ता एवास्मिन्निन्द्रि॑यं वीर्यं॑ दधति॑यदिन्द्रा॑य
राथ॑न्तराय॑ निर्वपति॑ यदेवाग्ने॑-स्तेजस्तदेवाव॑ रुन्धेयदिन्द्रा॑य बार्हता॑य
यदेवेन्द्र॑स्य तेजस्तदेवाव॑ रुन्धेयदिन्द्रा॑य वैरूपा॑य यदेव॑
सवि॑तुस्तेजस्त – [] 30

पद पाठे (वाक्य सहित) – द्वितीयकाण्डे – तृतीयः प्रश्नः

2.3.7.2 - Padam

वी॒र्य॑का॒म इति॑ वी॒र्य॑ – का॒मः । स्यात् । तम् । ए॒तया॑ ।
सर्व॑पृ॒ष्ठयेति॑ सर्व॑-पृ॒ष्ठया । या॒जयेत् । ए॒ताः । ए॒व । दे॒वताः॑ । स्वेन॑ ।
भा॒गधे॑येनेति॑ भा॒ग-धे॑येन । उ॒पेति॑ । धा॒वति॑ । ताः । ए॒व । अ॒स्मिन् ।
इन्द्रि॑यम् । वी॒र्य॑म् । द॒धति॑ । यत् । इन्द्रा॑य । रा॒थन्त॑रायेति॑
रा॒थम् – त॒राय॑ । निर्व॑पतीति॑ निः – व॒पति॑ । यत् । ए॒व । अ॒ग्नेः ।
तेजः॑ । तत् । ए॒व । अ॒वेति॑ । रु॒न्धे । यत् । इन्द्रा॑य । बा॒र्हता॑य ।
यत् । ए॒व । इन्द्र॑स्य । तेजः॑ । तत् । ए॒व । अ॒वेति॑ । रु॒न्धे । यत् ।
इन्द्रा॑य । वै॒रूपा॑य । यत् । ए॒व । स॒वितुः॑ । तेजः॑ । तत् । 30 (50)

2.3.7.3

दे॒वाव॑ रु॒न्धे य॒दिन्द्रा॑य वै॒राजा॑य य॒देव॑ धा॒तुस्तेज॑स्तदे॒वाव॑ रु॒न्धे
य॒दिन्द्रा॑य शा॒क्वरा॑य य॒देव॑ म॒रुतां॑ तेज॑स्तदे॒वाव॑ रु॒न्धे य॒दिन्द्रा॑य रै॒वता॑य
य॒देव॑ बृ॒हस्प॑तेस्तेज॑स्तदे॒वाव॑ रु॒न्ध ए॒ताव॑न्ति॒ वै तेजा॑सि॒ तान्ये॑वाव॑
रु॒न्धे उ॒त्ताने॑षु क॒पाले॑ष्वधि॒ श्रय॑त्यया॒तयाम॑त्वाय॒ द्वाद॑शकपालः

पु॒रोडा॑शो – [] 31

पद पाठे (वाक्य सहित) – द्वितीयकाण्डे – तृतीयः प्रश्नः

2.3.7.3 - Padam

ए॒व । अ॒वेति॑ । रु॒न्धे । यत् । इन्द्रा॑य । वैरा॒जाय॑ । यत् । ए॒व ।
धा॒तुः । तेजः॑ । तत् । ए॒व । अ॒वेति॑ । रु॒न्धे । यत् । इन्द्रा॑य ।
शा॒क्वरा॑य । यत् । ए॒व । म॒रुता॑म् । तेजः॑ । तत् । ए॒व । अ॒वेति॑ ।
रु॒न्धे । यत् । इन्द्रा॑य । रै॒वता॑य । यत् । ए॒व । बृ॒हस्प॑तेः । तेजः॑ ।
तत् । ए॒व । अ॒वेति॑ । रु॒न्धे । ए॒ताव॑न्ति । वै । तेजा॑सि । ता॒नि ।
ए॒व । अ॒वेति॑ । रु॒न्धे । उ॒त्ताने॑ष्वित्युत् – ता॒नेषु॑ । क॒पाले॑षु ।
अ॒धीति॑ । श्र॒यति॑ । अ॒यात॑याम॒त्वाये॑त्य॒यात॑याम – त्वा॒य ।
द्वा॒दश॑क॒पाल॒ इति॑ द्वा॒दश॑ – क॒पालः॑ । पु॒रोडा॑शः । 31 (50)

2.3.7.4

भ॒वति॑ वै॒श्वदे॑व॒त्वाय॑ स॒मन्तं॑ प॒र्यव॑द्यति स॒मन्त॑मेवेन्द्रि॒यं वी॒र्यं॑
य॒जमा॑ने दधाति व्य॒त्यास॑-म॒न्वाहा॑नि॒र्दाहा॑याश्च ऋष॒भो वृ॒ष्णिर्ब॒स्तः
सा॒दक्षि॑णावृष॒त्वायै॑त॒यैव॑यजेताभि॒शस्य॑मान ए॒ताश्चे॒द्वा अ॒स्यदे॑वता
अ॒न्नम॑द॒न्त्यद॑न्त्यु॒वेवा॑स्य म॒नुष्याः॑ । 32

पद पाठे (वाक्य सहित) – द्वितीयकाण्डे – तृतीयः प्रश्नः

2.3.7.4 - Padam

भवति । वै॒श्वदे॒वत्वा॒येति॑ वै॒श्वदे॒व – त्वा॒य । स॒म॒न्तमि॒ति
सं – अ॒न्तम् । प॒र्यव॑द्यतीति॑ परि – अ॒व॒द्यति॑ । स॒म॒न्तमि॒ति
सं – अ॒न्तम् । ए॒व । इ॒न्द्रि॒यम् । वी॒र्य॑म् । य॒ज॒मा॒ने । द॒धा॒ति ।
व्य॒त्यास॒मि॒ति वि – अ॒त्यास॑म् । अ॒न्वि॒ति । आ॒ह ।
अ॒नि॒र्दा॒हा॒येत्य॑निः – दा॒हा॒य । अ॒श्वः । ऋ॒ष॒भः । वृ॒ष्णिः । ब॒स्तः ।
सा । दक्षि॑णा । वृ॒षत्वा॒येति॑ वृ॒ष – त्वा॒य । ए॒तया॑ । ए॒व । य॒जे॒त ।
अ॒भि॒श॒स्य॑मा॒न इ॒त्यभि॑ – श॒स्य॑मा॒नः । ए॒ताः । च । इ॒त् । वै ।
अ॒स्य । दे॒वताः॑ । अ॒न्नम् । अ॒द॒न्ति॑ । अ॒द॒न्ति॑ । उ॒ । ए॒व । अ॒स्य ।
म॒नु॒ष्याः । 32 (38) (इ॒न्द्रि॒य॒का॒मः – स॒वि॒तु॒स्ते॒ज॒स्तत् – पु॒रो॒डा॒शो
– ऽष्टा॒त्रिं॒श॒च्च) (A7)

2.3.8.1

र॒ज॒नो वै कौ॑णे॒यः क्र॑तु॒जि॒तं जा॑न॒किं चक्षु॑र्व॒न्य॒मया॑त् तस्मा॑
ए॒तामि॒ष्टिं नि॒रव॑प॒द॒ग्नये॑ भ्राज॒स्वते॑ पु॒रो॒डा॒श॒म॒ष्टाक॑पा॒लम्
सौ॒र्यं च॒रु॒म॒ग्नये॑ भ्राज॒स्वते॑ पु॒रो॒डा॒श॒म॒ष्टाक॑पा॒लं तयै॑वा॒स्मिन्

पद पाठे (वाक्य सहित) – द्वितीयकाण्डे – तृतीयः प्रश्नः

चक्षु॑रदधाद्-य-श्चक्षु॑कामः॒ स्यात् तस्मा॑ ए॒तामिष्टिं॑ निर्व॑पेद॒ग्नये॑
भ्राज॑स्वते पु॒रोडाश॑म॒ष्टाक॑पालम् सौ॒र्यं च॒रुम॑ग्नये भ्राज॑स्वते
पु॒रोडाश॑म॒ष्टाक॑पालम॒ग्ने वै चक्षु॑षा म॒नुष्या॑ वि - [] 33

2.3.8.1 - Padam

र॒जनः । वै । कौ॒णेयः । क्र॒तुजि॑तमि॒ति क्र॒तु - जि॒तम् । जा॒नकि॑म् ।
चक्षु॑र्व॒न्यमि॑ति चक्षुः - व॒न्यम् । अ॒यात् । तस्मै॑ । ए॒ताम् । इष्टि॑म् ।
नि॒रिति॑ । अ॒वप॑त् । अ॒ग्नये॑ । भ्राज॑स्वते । पु॒रोडाश॑म् ।
अ॒ष्टाक॑पालमि॒त्यष्टा॑ - क॒पालम् । सौ॒र्यम् । च॒रुम् । अ॒ग्नये॑ ।
भ्राज॑स्वते । पु॒रोडाश॑म् । अ॒ष्टाक॑पालमि॒त्यष्टा॑ - क॒पालम् । तया॑ ।
ए॒व । अ॒स्मिन् । चक्षुः॑ । अ॒दधा॑त् । यः । चक्षु॑ष्काम इति
चक्षुः - का॒मः । स्यात् । तस्मै॑ । ए॒ताम् । इष्टि॑म् । नि॒रिति॑ । व॒पेत् ।
अ॒ग्नये॑ । भ्राज॑स्वते । पु॒रोडाश॑म् । अ॒ष्टाक॑पालमि॒त्यष्टा॑ - क॒पालम् ।
सौ॒र्यम् । च॒रुम् । अ॒ग्नये॑ । भ्राज॑स्वते । पु॒रोडाश॑म् ।

पद पाठे (वाक्य सहित) – द्वितीयकाण्डे – तृतीयः प्रश्नः

अ॒ष्टाक॑पा॒लमि॒त्य॒ष्टा – क॒पा॒लम् । अ॒ग्नेः । वै । चक्षु॑षा । म॒नु॒ष्याः ।
वी॒ति । 33 (50)

2.3.8.2

प॒श्यन्ति॑ सूर्य॑स्य दे॒वा अ॒ग्निं चै॒व सूर्यं॑ च स्वे॒न भा॒गधे॑ये॒नोप॑ धाव॒ति
तावे॒वास्मिन्॑ चक्षु॑र्ध॒त्तश्चक्षु॑ष्मा॒नेव॑ भव॒ति यदा॑ग्ने॒यौ भव॑तश्चक्षु॑षी
ए॒वास्मिन्॑ तत् प्र॒ति द॑धाति यथ् सौ॒र्यो ना॑सिकां तेना॒भितः॑
सौ॒र्यमा॑ग्ने॒यौ भव॑तस्तस्मा॒दभितो॑ ना॒सिकां॑ चक्षु॑षी तस्मान्ना॒सिकया॑
चक्षु॑षी वि॒धृते॑ समा॒नी या॑ज्यानुवाक्ये॑ भव॑तः समा॒नं हि () चक्षुः॑
समृ॑द्ध्य॒ा उदु॑त्यं जा॒तवे॑दसं स॒प्त त्वा॑ ह॒रितो॑ रथे चि॒त्रं
दे॒वाना॑मुदगा॒दनी॑कमि॒ति पि॒ण्डान् प्र॑यच्छति चक्षु॑रेवास्मै प्र॑यच्छति
यदे॒व तस्य॑ तत् । 34

2.3.8.2 - Padam

प॒श्यन्ति॑ । सूर्य॑स्य । दे॒वाः । अ॒ग्निम् । च । ए॒व । सूर्य॑म् । च ।
स्वे॒न । भा॒गधे॑येनेति भा॒ग – धे॑येन । उपे॒ति । धा॒वति॑ । तौ । ए॒व ।
अ॒स्मिन् । चक्षुः॑ । ध॒त्तः । चक्षु॑ष्मान् । ए॒व । भव॑ति । यत् ।

पद पाठे (वाक्य सहित) – द्वितीयकाण्डे – तृतीयः प्रश्नः

आग्ने॒यौ । भवतः॑ । चक्षु॑षी इति॑ । ए॒व । अ॒स्मिन् । तत् । प्रतीति॑ ।
दधा॒ति । यत् । सौ॒र्यः । नासि॑काम् । तेन॑ । अ॒भितः॑ । सौ॒र्यम् ।
आग्ने॒यौ । भवतः॑ । तस्मा॑त् । अ॒भितः॑ । नासि॑काम् । चक्षु॑षी इति॑ ।
तस्मा॑त् । नासि॑कया । चक्षु॑षी इति॑ । वि॒धृते॑ इति॑ वि – धृ॒ते ।
समा॒नी इति॑ । या॒ज्यानु॒वाक्ये॑ इति॑ या॒ज्या – अनु॒वाक्ये॑ । भवतः॑ ।
समा॒नम् । हि () । चक्षुः॑ । समृ॑द्ध्या इति॑ सं-ऋ॒द्ध्यै । उदि॑ति ।
उ । त्यम् । जा॒तवे॑दसमि॑ति जा॒त – वे॒दसम् । स॒प्त । त्वा । ह॒रितः॑ ।
रथे॑ । चि॒त्रम् । दे॒वाना॑म् । उदि॑ति । आ॒गात् । अ॒नीकम् । इति॑ ।
पि॒ण्डान् । प्रेति॑ । य॒च्छति॑ । चक्षुः॑ । ए॒व । अ॒स्मै । प्रेति॑ । य॒च्छति॑ ।
यत् । ए॒व । तस्य॑ । तत् । 34 (78)

(वि – ह्य – षावि॑शतिश्च) (A8)

2.3.9.1

ध्रु॒वो॑ऽसि ध्रु॒वो॑ऽह॒ꣳ स॒जा॒तेषु॑ भू॒यासं॑ धी॒रश्चे॑त्ता वसु॒विद् ध्रु॒वो॑ऽसि
ध्रु॒वो॑ऽह॒ꣳ स॒जा॒तेषु॑ भू॒यास॑मु॒ग्रश्चे॑त्ता वसु॒विद् ध्रु॒वो॑ऽसि ध्रु॒वो॑ऽह॒ꣳ

पद पाठे (वाक्य सहित) – द्वितीयकाण्डे – तृतीयः प्रश्नः

स॒जा॒तेषु॑ भू॒यास॑म॒भिभू॑श्चे॒त्ता व॒सु॒वि॒दा म॒न॒म॒स्याम॑न॒स्य दे॒वा ये
स॒जा॒ताः कु॒मा॒राः स॒म॒न॒स॒स्तान॑हं का॒म॒ये ह॒दा ते मां का॒म॒य॒न्ताम्
ह॒दा तान् म॒ आ॒म॒न॒सः कृ॒धि स्वा॒हा ऽम॑न॒म॒स्या – [] 35

2.3.9.1 - Padam

ध्रु॒वः । अ॒सि॒ । ध्रु॒वः । अ॒हम् । स॒जा॒तेष्वि॑ति स – जा॒तेषु॑ ।
भू॒या॒स॒म् । धी॒रः । चे॒त्ता॑ । व॒सु॒वि॒दि॒ति व॒सु – वि॒त् । ध्रु॒वः । अ॒सि॒ ।
ध्रु॒वः । अ॒हम् । स॒जा॒तेष्वि॑ति स – जा॒तेषु॑ । भू॒या॒स॒म् । उ॒ग्रः ।
चे॒त्ता॑ । व॒सु॒वि॒दि॒ति व॒सु – वि॒त् । ध्रु॒वः । अ॒सि॒ । ध्रु॒वः । अ॒हम् ।
स॒जा॒तेष्वि॑ति स – जा॒तेषु॑ । भू॒या॒स॒म् । अ॒भिभू॑रि॒त्यभि॑ – भूः ।
चे॒त्ता॑ । व॒सु॒वि॒दि॒ति व॒सु – वि॒त् । आ॒म॒न॒मि॒त्या – म॒न॒म् । अ॒सि॒ ।
आ॒म॒न॒स्ये॒त्या – म॒न॒स्य॒ । दे॒वाः । ये । स॒जा॒ता इति॑ स – जा॒ताः ।
कु॒मा॒राः । स॒म॒न॒स इति॑ स – म॒न॒सः । तान् । अ॒हम् । का॒म॒ये ।
ह॒दा । ते । माम् । का॒म॒य॒न्ताम् । ह॒दा । तान् । मे ।

पद पाठे (वाक्य सहित) – द्वितीयकाण्डे – तृतीयः प्रश्नः

आ॒मन॒स इ॒त्या – म॒न॒सः । कृ॒धि । स्वा॒हा ॥

आ॒मन॒मित्या – म॒न॒म् । अ॒सि । 35 (50)

2.3.9.2

–म॒न॒स्य दे॒वा याः स्त्रि॒यः स॒मन॒सस्ता अ॒हं का॒मये हृ॒दा ता मां
का॒मय॒न्तां हृ॒दा ता म॒ आ॒मन॒सः कृ॒धि स्वा॒हा वैश्व॒देवी सा॒ङ्ग्र॒हणीं
निर्व॑पेद्ग्रा॒मका॒मो वैश्व॒देवा वै स॒जाता वि॒श्वाने॒व दे॒वान्त्स्वेन॑
भा॒गधे॒येनो॑प॒ धाव॑ति त ए॒वास्मै॑ स॒जाता॒न् प्र य॑च्छन्ति ग्रा॒म्येव॑ भ॒वति
सा॒ङ्ग्र॒हणी भ॑वति म॒नो॒ग्र॒हणं॑ वै॒सङ्ग्र॒हणं॑ म॒न ए॒व
स॒जाता॒नां – [] 36

2.3.9.2 - Padam

आ॒मन॒स्ये॒त्या – म॒न॒स्य । दे॒वाः । याः । स्त्रि॒यः । स॒मन॒स इति॑
स – म॒न॒सः । ताः । अ॒हम् । का॒मये॑ । हृ॒दा । ताः । मा॒म् ।
का॒मय॒न्ताम् । हृ॒दा । ताः । मे॒ । आ॒मन॒स इत्या – म॒न॒सः ।
कृ॒धि । स्वा॒हा ॥ वैश्व॒देवी॑मि॒ति वैश्व॑ – दे॒वीम् ।
सा॒ङ्ग्र॒हणी॑मि॒ति सां – ग्र॒हणी॑म् । नि॒रिति॑ । व॒पेत् ।

पद पाठे (वाक्य सहित) – द्वितीयकाण्डे – तृतीयः प्रश्नः

ग्राम॑काम॑ इति॑ ग्राम॑ – कामः॑ । वै॒श्वदे॒वा इति॑ वै॒श्व – दे॒वाः ।
वै । स॒जा॒ता इति॑ स – जा॒ताः । वि॒श्वान् । ए॒व । दे॒वान् । स्वे॒न ।
भा॒गधे॒येनेति॑ भा॒ग – धे॒येन॑ । उ॒पेति॑ । धा॒वति॑ । ते । ए॒व ।
अ॒स्मै । स॒जा॒तानि॑ति स-जा॒तान् । प्रेति॑ । य॒च्छन्ति॑ । ग्रा॒मी । ए॒व ।
भ॒वति॑ । सां॒ग्र॒हणी॑ति सां – ग्र॒हणी॑ । भ॒वति॑ । म॒नो॒ग्र॒हण॑मिति॑
म॒नः – ग्र॒हण॑म् । वै । सं॒ग्र॒हण॑मिति॑ सं – ग्र॒हण॑म् । म॒नः । ए॒व ।
स॒जा॒ताना॑मिति॑ स – जा॒ताना॑म् । 36 (50)

2.3.9.3

गृ॒ह्णाति॑ ध्रु॒वोऽसि॑ ध्रु॒वोऽह॑ꣳ स॒जा॒तेषु॑ भू॒यास॑मिति॑ परि॒धीन् परि॑
द॒धात्या॑शि॒षमे॒वैता॑मा शा॒स्तेऽथो॑ ए॒तदे॒व सर्व॑ꣳ स॒जा॒तेष्वधि॑ भ॒वति॑
यस्यै॒वं वि॒दुष॑ ए॒ते परि॑धयः परि॒धीय॑न्त आम॑ न॒मस्याम॑नस्य दे॒वा
इति॑ ति॒स्र आ॒हुती॑ जु॒होत्ये॒ताव॑न्तो वै स॒जा॒ता ये म॒हान्तो॑ ये क्षु॒ल्लका॑
याः स्त्रि॒यस्ता॒नेवा॑व रु॒न्धे () त ए॒नम॑वरु॒द्धा उप॑ तिष्ठन्ते । 37

पद पाठे (वाक्य सहित) – द्वितीयकाण्डे – तृतीयः प्रश्नः

2.3.9.3 - Padam

गृ॒ह्णा॒ति । ध्रु॒वः । अ॒सि । ध्रु॒वः । अ॒हम् । स॒जा॒तेष्वि॒ति स-जा॒तेषु॑ ।
भू॒या॒सम् । इति॑ । परि॒धी॒नि॒ति परि - धी॒न् । परी॒ति । द॒धा॒ति ।
आ॒शि॒ष॒मि॒त्या॑ - शि॒षम् । ए॒व । ए॒ताम् । ए॒ति । शा॒स्ते । अथो॑ इति॑ ।
ए॒तत् । ए॒व । सर्व॑म् । स॒जा॒तेष्वि॒ति स-जा॒तेषु॑ । अधी॒ति । भ॒व॒ति ।
यस्य॑ । ए॒वम् । वि॒दुषः॑ । ए॒ते । परि॒धय॑ इति॑ परि - ध॒यः ।
परि॒धी॒यन्त॑ इति॑ परि - धी॒यन्ते॑ । आ॒म॒न॒मि॒त्या॑ - म॒नम् । अ॒सि ।
आ॒म॒न॒स्ये॒त्या॑ - म॒न॒स्य । दे॒वाः । इति॑ । ति॒स्रः ।
आ॒हु॒ती॒रि॒त्या॑ - हु॒तीः । जु॒हो॒ति । ए॒ता॒व॒न्तः । वै । स॒जा॒ता इति॑
स-जा॒ताः । ये । म॒हा॒न्तः । ये । क्षु॒ल्ल॒काः । याः । स्त्रि॒यः । तान् ।
ए॒व । अ॒वे॒ति । रु॒न्धे () । ते । ए॒नम् । अ॒व॒रु॒द्धा इत्य॑व - रु॒द्धाः ।
उ॒पे॒ति । ति॒ष्ठ॒न्ते । 37 (55)

(स्वा॒हा ऽम॑नमसि - स॒जा॒ता॒नाꣳ - रु॒न्धे - पञ्च॑ च) (A9)

पद पाठे (वाक्य सहित) – द्वितीयकाण्डे – तृतीयः प्रश्नः

2.3.10.1

यन्न॑व॒मैत् तन्न॑व॒नीत॑म॒भवद्-यद॑स॒र्पत् तथ् स॒र्पि॑र॒भवद्-यद॑ध्रि॒यत्
तद् घृ॒तम॑भव॒दश्वि॑नोः प्रा॒णोऽसि॑ तस्य॑ ते द॒त्तां य॑यौः प्रा॒णोऽसि॑
स्वाहे॑न्द्रस्य प्रा॒णोऽसि॑ तस्य॑ ते द॒दातु॑ यस्य॑ प्रा॒णोऽसि॑ स्वाहा
मि॒त्राव॑रु॒णयोः प्रा॒णोऽसि॑ तस्य॑ ते द॒त्तां य॑यौः प्रा॒णोऽसि॑ स्वाहा
वि॒श्वेषां॑ दे॒वानां॑ प्रा॒णोऽसि॑ – [] 38

2.3.10.1 - Padam

यत् । न॒वम् । ऐ॒त् । तत् । न॒व॒नी॒त॒मि॒ति न॒व – नी॒तम् । अ॒भवत् ।
यत् । अ॒स॒र्पत् । तत् । स॒र्पिः । अ॒भवत् । यत् । अ॒ध्रि॒यत् । तत् ।
घृ॒तम् । अ॒भवत् । अ॒श्वि॒नोः । प्रा॒ण इति॑ प्र-अ॒नः । अ॒सि । तस्य॑ ।
ते । द॒त्ताम् । य॑यौः । प्रा॒ण इति॑ प्र – अ॒नः । अ॒सि । स्वाहा॑ ।
इन्द्र॑स्य । प्रा॒ण इति॑ प्र-अ॒नः । अ॒सि । तस्य॑ । ते । द॒दातु॑ । यस्य॑ ।
प्रा॒ण इति॑ प्र – अ॒नः । अ॒सि । स्वाहा॑ । मि॒त्राव॑रु॒णयो॒रिति॑
मि॒त्रा – व॑रु॒णयोः । प्रा॒ण इति॑ प्र – अ॒नः । अ॒सि । तस्य॑ । ते ।

पद पाठे (वाक्य सहित) – द्वितीयकाण्डे – तृतीयः प्रश्नः

दत्ता॑म् । ययौः॑ । प्रा॒ण इति॑ प्र – अ॒नः । अ॒सि । स्वाहा॑ ।

विश्वे॑षाम् । दे॒वाना॑म् । प्रा॒ण इति॑ प्र – अ॒नः । अ॒सि । 38 (50)

2.3.10.2

तस्य॑ ते ददतु॑ येषां॑ प्रा॒णोऽसि॑ स्वाहा॑ घृ॒तस्य॑ धा॒राम॑मृतस्य॑
पन्था॑मिन्द्रे॒ण दत्तां॑ प्रयतां॑ मरु॒द्धिः । तत् त्वा॑ विष्णुः॑ पर्य॑पश्यत् तत्
त्वेडा॑ गव्यैरयत् । पा॒वमा॑नेन॑ त्वा॒ स्तोमे॑न गाय॒त्रस्य॑ वर्त॒न्योपा॑शो
वीर्ये॑ण दे॒वस्त्वा॑ सवि॒तोत् सृ॑जतु जी॒वात॑वे जी॒वन॑स्यायै बृहद्-
रथ॑न्तरयो॒स्त्वा स्तोमे॑न त्रि॒ष्टुभो॑ वर्त॒न्या शु॒क्रस्य॑ वी॒र्येण॑
दे॒वस्त्वा सवि॒तोथ् – [] 39

2.3.10.2 - Padam

तस्य॑ । ते । ददतु॑ । येषा॑म् । प्रा॒ण इति॑ प्र-अ॒नः । अ॒सि । स्वाहा॑ ।
घृ॒तस्य॑ । धा॒राम् । अ॒मृत॑स्य । पन्था॑म् । इन्द्रे॑ण । दत्ता॑म् ।
प्रय॑तामिति॑ प्र – य॒ताम् । मरु॒द्धिरिति॑ मरु॒त् – भिः॑ । तत् । त्वा ।
विष्णुः॑ । परि॑ति । अ॒पश्य॑त् । तत् । त्वा । इडा॑ । गवि॑ । ऐर॑यत् ।
पा॒वमा॑नेन॑ । त्वा । स्तोमे॑न । गाय॒त्रस्य॑ । वर्त॒न्या ।

पद पाठे (वाक्य सहित) – द्वितीयकाण्डे – तृतीयः प्रश्नः

उपा॒ञ्शोरित्यु॑प-अ॒ञ्शोः॑ । वी॒र्ये॑ण । दे॒वः । त्वा । स॒वि॒ता । उ॒दि॒ति ।
सृ॒ज॒तु । जी॒वा॒त॒वे । जी॒व॒न॒स्यायै॑ ॥ बृ॒ह॒द्र॒थ॒न्त॒र॒यो॒रि॒ति
बृ॒ह॒त् - र॒थ॒न्त॒र॒योः॑ । त्वा । स्तो॒मे॒न । त्रि॒ष्टु॒भः । वर्त॑न्या । शु॒क्र॒स्य॑ ।
वी॒र्ये॑ण । दे॒वः । त्वा । स॒वि॒ता । उ॒दि॒ति । 39 (50)

2.3.10.3

सृ॒ज॒तु जी॒वा॒त॒वे जी॒व॒न॒स्याया॑ अ॒ग्ने॒स्त्वा मा॒त्र॒या जग॑त्यै
वर्त॑न्याऽऽग्र॒य॒ण॒स्य वी॒र्ये॑ण दे॒व॒स्त्वा स॒वि॒तो॒थ् सृ॒ज॒तु जी॒वा॒त॒वे
जी॒व॒न॒स्याया॑ इ॒म॒म॒ग्न॒ आ॒यु॒षे वर्च॑से कृ॒धि प्रि॒यञ् रे॒तो वरु॑ण सोम
राज॑न् । मा ते॒वा॒स्मा अ॒दि॒ते श॒र्म यच्छ॑ विश्वे दे॒वा जर॑द॒ष्टि॒र्यथाऽ॒स॒त् ।
अ॒ग्निरा॒युष्मा॒न्थ् स व॒न॒स्प॒ति॒भि॒रा॒युष्मा॒न् तेन॑ त्वाऽऽयु॒षाऽऽयुष्म॑न्तं
करो॑मि सोम आ॒युष्मा॒न्थ् () स ओष॑धी॒भि र्य॒ज्ञ आ॒युष्मा॒न्थ् स
दक्षि॑णा॒भि ब्र॒ह्माऽऽयुष्म॑त् तद्-ब्रा॒ह्म॒णैरा॒युष्म॑द् दे॒वा आ॒युष्म॑न्त॒स्तेऽमृ॑ते॒न
पि॒तर॑ आ॒युष्म॑न्त॒स्ते स्व॒धयाऽऽयुष्म॑न्त॒स्तेन॑ त्वा
ऽऽयु॒षाऽऽयुष्म॑न्तं करो॑मि । 40

पद पाठे (वाक्य सहित) – द्वितीयकाण्डे – तृतीयः प्रश्नः

2.3.10.3 - Padam

सृ॒जतु॑ । जी॒वा॒त॒वे । जी॒व॒न॒स्या॒यै॑ ॥ अ॒ग्नेः॑ । त्वा॒ । मा॒त्र॒या । जग॑त्यै ।
व॒र्त॒न्या । आ॒ग्र॒य॒ण॒स्य॑ । वी॒र्ये॑ण । दे॒वः । त्वा॒ । स॒वि॒ता । उ॒दि॒ति॑ ।
सृ॒जतु॑ । जी॒वा॒त॒वे । जी॒व॒न॒स्या॒यै॑ ॥ इ॒मम् । अ॒ग्ने॑ । आ॒यु॒षे ।
व॒र्च॒से । कृ॒धि॑ । प्रि॒यम् । रे॒तः । व॒रु॒ण॒ । सो॒म॒ । रा॒ज॒न् । मा॒ता ।
इ॒व । अ॒स्मै॑ । अ॒दि॒ते॑ । श॒र्म॑ । य॒च्छ॑ । वि॒श्वे॑ ॥ दे॒वाः । ज॒र॒द॒ष्टि॒रि॒ति॑
ज॒र॒त् – अ॒ष्टिः॑ ॥ य॒था॑ । अ॒स॒त् । अ॒ग्निः॑ । आ॒यु॒ष्मा॒न् । सः॑ ।
व॒न॒स्प॒ति॒भि॒रि॒ति॑ व॒न॒स्प॒ति॑-भिः । आ॒यु॒ष्मा॒न् । ते॒न॑ । त्वा॒ । आ॒यु॒षा॑ ।
आ॒यु॒ष्म॒न्त॒म् । क॒रो॒मि॑ । सो॒मः॑ । आ॒यु॒ष्मा॒न् () । सः॑ ।
ओ॒ष॒धी॒भि॒रि॒त्यो॒ष॒धि॑ – भिः॑ । य॒ज्ञः॑ । आ॒यु॒ष्मा॒न् । सः॑ । द॒क्षि॒णा॒भिः॑ ।
ब्र॒ह्म॑ । आ॒यु॒ष्म॒त् । त॒त् । ब्रा॒ह्म॒णैः॑ । आ॒यु॒ष्म॒त् । दे॒वाः । आ॒यु॒ष्म॒न्तः॑ ।
ते॑ । अ॒मृ॒ते॒न॑ । पि॒तरः॑ । आ॒यु॒ष्म॒न्तः॑ । ते॑ । स्व॒ध॒ये॒ति॑ स्व – ध॒या॑ ॥
आ॒यु॒ष्म॒न्तः॑ । ते॒न॑ । त्वा॒ । आ॒यु॒षा॑ । आ॒यु॒ष्म॒न्त॒म् । क॒रो॒मि॑ । 40 (75)

पद पाठे (वाक्य सहित) – द्वितीयकाण्डे – तृतीयः प्रश्नः

(विश्वेषां देवानां प्राणाऽसि – त्रिष्टुभो वर्तन्या शुक्रस्य वीर्येण
देवस्त्वा सवितोथ – सोम आयुष्मान् – पञ्चविंशतिश्च) (A10)

2.3.11.1

अग्निं वा एतस्य शरीरं गच्छति सोमं रसो वरुण एनं वरुणपाशेन
गृह्णाति सरस्वतीं वागग्नाविष्णू आत्मा यस्य ज्योगामयति यो
ज्योगामयावी स्याद्यो वा कामयेत सर्वमायुरियामिति तस्मा एतामिष्टिं
निर्वपेदाग्नेय – मष्टाकपालं सौम्यं चरुं वारुणं दशकपालं
सारस्वतं चरुमागनावैष्णव – मेकादशकपाल – मग्नेरेवास्य शरीरं
निष्क्रीणाति सोमाद्रसं – [] 41

2.3.11.1 - Padam

अग्निम् । वै । एतस्य । शरीरम् । गच्छति । सोमम् । रसः ।
वरुणः । एनम् । वरुणपाशेनेति वरुण – पाशेन । गृह्णाति ।
सरस्वतीम् । वाक् । अग्नाविष्णू इत्यग्ना – विष्णू । आत्मा । यस्य ।
ज्योक् । आमयति । यः । ज्योगामयावीति ज्योक् – आमयावी ।
स्यात् । यः । वा । कामयेत । सर्वम् । अयुः । इयाम् । इति ।

पद पाठे (वाक्य सहित) – द्वितीयकाण्डे – तृतीयः प्रश्नः

तस्मै॑ । ए॒ताम् । इ॒ष्टिम् । नि॒रिति॑ । व॒पेत् । आ॒ग्ने॒यम् ।
अ॒ष्टाक॑पा॒लमि॒त्य॒ष्टा - क॒पा॒लम् । सौ॒म्यम् । च॒रुम् । वा॒रु॒णम् ।
द॒शक॑पा॒लमि॒ति द॒श - क॒पा॒लम् । सा॒र॒स्व॒तम् । च॒रुम् ।
आ॒ग्ना॒वै॒ष्ण॒वमि॒त्या॒ग्ना - वै॒ष्ण॒वम् ।
ए॒का॒द॒शक॑पा॒लमि॒त्ये॒का॒द॒श - क॒पा॒लम् । अ॒ग्नेः । ए॒व । अ॒स्य ।
शरी॑रम् । नि॒ष्क्री॑णातीति निः - क्री॒णाति॑ । सो॒मात् । र॒सम् । 41 (50)

2.3.11.2

वा॒रु॒णे॒नै॒वैनं॑ वा॒रु॒णपा॑शा॒न् मु॒ञ्च॑ति सा॒र॒स्व॒तेन॑ वा॒चं द॑धा॒त्य॒ग्निः
स॒र्वा दे॒वता॑ वि॒ष्णुर्य॒ज्ञो दे॒वता॑भिश्चै॒वैनं॑ य॒ज्ञेन॑ च भिष॑ज्यत्यु॒त
यदी॒तासु॑ भ॒वति॑ जी॒वत्ये॒व यन्न॑व॒मैत् तन्न॑वनी॒तम॑- भ॒वदि॒त्याज्य॑-
मवे॑क्षते॒रूप॑मे॒वा॒स्यै-त॑न्महि॒मानं॑ व्या॒चष्टे॑ऽश्वि॒नौः प्रा॒णोऽसी॒त्याहा॑श्वि॒नौ
वै दे॒वानां॑ - [] 42

2.3.11.2 - Padam

वा॒रु॒णे॒न । ए॒व । ए॒नम् । वा॒रु॒णपा॑शा॒दिति॑ वा॒रु॒ण - पा॑शात् ।
मु॒ञ्च॑ति । सा॒र॒स्व॒तेन॑ । वा॒चम् । द॑धा॒ति । अ॒ग्निः । स॒र्वाः ।

पद पाठे (वाक्य सहित) – द्वितीयकाण्डे – तृतीयः प्रश्नः

दे॒वताः॑ । वि॒ष्णुः॑ । य॒ज्ञः॑ । दे॒वता॑भिः । च॒ । ए॒व । ए॒नम् । य॒ज्ञेन॑ ।
च॒ । भि॒षज्य॑ति । उ॒त । य॒दि । इ॒तासु॑रिती॒त – अ॒सुः॑ । भ॒वति॑ ।
जी॒वति॑ । ए॒व । यत् । न॒वम् । ऐ॒त् । तत् । न॒वनी॑तमि॒ति न॒व-नी॑तम् ।
अ॒भव॑त् । इ॒ति । आ॒ज्यम् । अ॒वेति॑ । ई॒क्षते॑ । रू॒पम् । ए॒व । अ॒स्य ।
ए॒तत् । म॒हिमा॑नम् । व्या॒चष्ट॑ इति वि-आ॒चष्टे॑ । अ॒श्विनौः॑ ।
प्रा॒ण इति॑ प्र – अ॒नः । अ॒सि । इति॑ । आ॒ह । अ॒श्विनौ॑ । वै ।
दे॒वाना॑म् । 42 (50)

2.3.11.3

भि॒षजौ॑ ता॒भ्यामे॒वास्मै॑ भे॒षजं॑ क॒रोतीन्द्र॑स्य प्रा॒णो ऽसी॑त्याहेन्द्रि॒य-
मे॒वास्मि॑न्ने॒तेन॑ द॒धाति॑ मि॒त्राव॑रुणयोः प्रा॒णो ऽसी॑त्याह प्रा॒णापा॑नावे-
वास्मि॑न्ने॒तेन॑ द॒धाति॑ विश्वे॒षां दे॒वानां॑ प्रा॒णो ऽसी॑त्याह
वी॒र्य॑मे॒वास्मि॑न्ने॒तेन॑ द॒धाति॑ घृ॒तस्य॑ धा॒राम॑मृ॒तस्य॑ पन्था॒मित्या॑ह
यथा॑य॒जुरे॒वैतत्॑ पा॒वमा॑नेन॒ त्वा स्तो॑मे॒नेत्या॑ – [] 43

पद पाठे (वाक्य सहित) – द्वितीयकाण्डे – तृतीयः प्रश्नः

2.3.11.3 - Padam

भि॒षजौ॑ । ता॒भ्याम् । ए॒व । अ॒स्मै । भे॒षज॑म् । क॒रोति॑ । इन्द्र॑स्य ।
प्रा॒ण इति॑ प्र – अ॒नः । अ॒सि । इति॑ । आ॒ह । इन्द्रि॑यम् । ए॒व ।
अ॒स्मिन् । ए॒तेन॑ । द॒धाति॑ । मि॒त्रावरु॑णयो॒रिति॑ मि॒त्रा – वरु॑णयोः ।
प्रा॒ण इति॑ प्र – अ॒नः । अ॒सि । इति॑ । आ॒ह । प्रा॒णापा॒नाविति॑
प्रा॒ण – अ॒पानौ॑ । ए॒व । अ॒स्मिन् । ए॒तेन॑ । द॒धाति॑ । विश्वे॑षाम् ।
दे॒वाना॑म् । प्रा॒ण इति॑ प्र – अ॒नः । अ॒सि । इति॑ । आ॒ह । वी॒र्य॑म् ।
ए॒व । अ॒स्मिन् । ए॒तेन॑ । द॒धाति॑ । घृ॒तस्य॑ । धा॒राम् । अ॒मृत॑स्य ।
पन्था॑म् । इति॑ । आ॒ह । यथा॑यजु॒रिति॑ यथा – यजुः॑ ।
ए॒व । ए॒तत् । पा॒वमा॑नेन । त्वा । स्तो॒मेन॑ । इति॑ । 43 (50)

2.3.11.4

–ह प्रा॒णमे॒वास्मि॑न्ने॒तेन॑ द॒धाति॑ बृ॒हद्–रथ॑न्त॒रयो॑स्त्वा स्तो॒मेने॒त्याहौ॑ज
ए॒वास्मि॑न्ने॒तेन॑ द॒धात्य॑ग्ने॒स्त्वा मा॒त्रये॑त्याहा–ऽऽत्मा॑न–मे॒वास्मि॑न्ने॒तेन॑
द॒धात्यृ॑त्वि॒जः पर्या॑हुर्या॒वन्त॑ ए॒वर्त्वि॑जस्त ए॒नं भि॑षज्यन्ति ब्र॒ह्म॒णो

पद पाठे (वाक्य सहित) – द्वितीयकाण्डे – तृतीयः प्रश्नः

ह॒स्त॒म॒न्वा॒र॒भ्य॒ पर्या॑हुरे॒क॒धै॒व॒ यज॑मान॒ आयु॑र्दधति॒ यदे॒व॒

तस्य॒ तद्धि॑रण्याद् – [] 44

2.3.11.4 - Padam

आ॒ह॒ । प्रा॒णमि॑ति॒ प्र – अ॒नम् । ए॒व । अ॒स्मिन् । ए॒तेन॑ । द॒धाति॑ ।
बृ॒ह॒द्र॒थ॒न्त॒रयो॑रिति॒ बृ॒ह॒त्-र॒थ॒न्त॒रयोः॑ । त्वा । स्तो॒मेन॑ । इति॑ । आ॒ह॒ ।
ओजः॑ । ए॒व । अ॒स्मिन् । ए॒तेन॑ । द॒धाति॑ । अ॒ग्नेः । त्वा । मा॒त्रया॑ ।
इति॑ । आ॒ह॒ । आ॒त्मान॑म् । ए॒व । अ॒स्मिन् । ए॒तेन॑ । द॒धाति॑ ।
ऋ॒त्विजः॑ । परी॑ति । आ॒हुः । याव॑न्तः । ए॒व । ऋ॒त्विजः॑ । ते । ए॒नम् ।
भि॒षज्य॑न्ति । ब्र॒ह्म॒णः । ह॒स्तम् । अ॒न्वा॒र॒भ्येत्य॑नु – आ॒र॒भ्य॑ ।
परी॑ति । आ॒हुः । ए॒क॒धेत्ये॑क – धा । ए॒व । यज॑माने । आयुः॑ ।
द॒धति॑ । यत् । ए॒व । तस्य॑ । तत् । हि॒र॒ण्यात् । 44 (50)

2.3.11.5

घृ॒तं नि॒ष्पि॑ब॒त्यायु॑र्वै घृ॒त॒म॒मृत॑ꣳ हि॒र॒ण्य॑म॒मृता॑दे॒वा ऽऽयु॑र्नि॒ष्पि॑बति
श॒त॒मा॒नं भ॑वति॒ श॒ता॒युः पुरु॑षः श॒तेन्द्रि॑य॒ आयु॑ष्ये॒वेन्द्रि॑ये
प्र॒ति॒ति॒ष्ठ॒त्यथो॑ ख॒लु याव॑तीः॒ समा॑ ए॒ष्यन् म॑न्येत॒ ताव॑न्मा॒नꣳ स्या॑त्

पद पाठे (वाक्य सहित) – द्वितीयकाण्डे – तृतीयः प्रश्नः

समृद्ध्य॑ आ॒म॒ग्न॒ आयु॑षे॒ वर्च॑से॒ कृ॒धी॒त्या॒हा ऽऽयु॑रे॒वास्मिन्॑ वर्चो॑
दधा॑ति॒ विश्वे॑ दे॒वा ज॑रद॒ष्टि॒र्यथा॑ ऽस॒दित्या॑ () –ह॒ ज॑रद॒ष्टि॒मेवैनं॑
करो॑त्य॒ग्नि-रा॑युष्मा॒निति॑ ह॒स्तं गृ॑ह्णात्ये॒ते वै दे॒वा आ॑युष्मन्त॒स्त
ए॒वास्मिन्ना॑यु॒र्दध॑ति॒ सर्व॑मायु॒रेति॑ । 45

2.3.11.5 - Padam

घृ॒तम् । नि॒रिति॑ । पि॒बति॑ । आ॒युः । वै । घृ॒तम् । अ॒मृत॑म् ।
हि॒रण्य॑म् । अ॒मृता॑त् । ए॒व । आ॒युः । नि॒रिति॑ । पि॒बति॑ । श॒तमा॑नमि॒ति
श॒त – मा॑नम् । भ॒वति॑ । श॒तायु॑रिति॒ श॒त – आ॒युः । पु॒रुषः॑ ।
श॒तेन्द्रि॑य इति॒ श॒त – इन्द्रि॑यः । आ॒युषि॑ । ए॒व । इन्द्रि॑ये । प्र॒तीति॑ ।
तिष्ठ॑ति । अथो॒ इति॑ । ख॒लु । या॒वतीः॑ । स॒माः । ए॒ष्यन् । म॒न्येत॑ ।
ता॒वन्मा॑नमि॒ति ता॒वत् – मा॑नम् । स्या॒त् । समृ॑द्ध्य॒ इति॑
स॒म् – ऋ॑द्ध्यै । इ॒मम् । अ॒ग्ने । आ॒युषे॑ । वर्च॑से । कृ॒धि । इति॑ ।
आ॒ह । आ॒युः । ए॒व । अ॒स्मिन् । वर्चः॑ । दधा॑ति । विश्वे॑ । दे॒वाः ।
ज॑रद॒ष्टि॒रिति॑ ज॒रत् – अ॒ष्टिः । यथा॑ । अ॒सत् । इति॑ () । आ॒ह ।

पद पाठे (वाक्य सहित) – द्वितीयकाण्डे – तृतीयः प्रश्नः

जरद॑ष्टिमि॒ति जरत् – अ॒ष्टिम् । ए॒व । ए॒नम् । क॒रोति॑ । अ॒ग्निः ।
आयु॑ष्मान् । इति॑ । ह॒स्तम् । गृ॒ह्णाति॑ । ए॒ते । वै । दे॒वाः ।
आयु॑ष्मन्तः । ते । ए॒व । अ॒स्मिन् । आयुः॑ । द॒धति॑ । सर्व॑म् ।
आयुः॑ । ए॒ति । 45 (72) (र॒सं – दे॒वानाञ् – स्तो॒मेने॑ति – हि॒र॒ण्या –
द॒सदि॑ति – द्वावि॑शतिश्च) (A11)

2.3.12.1

प्र॒जाप॑ति॒र्वरु॑णायाश्चमनयत् स स्वां दे॒वता॑मा॒र्च्छत् स॑ पर्यदीर्यत
स ए॒तं वा॑रुणं चतुष्-क॒पाल॑मपश्यत् तं निरवपत् ततो वै स वरुण-
पा॒शाद॑मुच्यत वरु॒णो वा ए॒तं गृ॒ह्णाति॑ योऽश्वं प्रतिगृह्णाति यावतोऽश्वान्
प्रतिगृह्णीयात् तावतो वा॒रुणा॑न् चतुष्क॒पाला॑न् निर्वपेद्-वरु॒णमे॒व स्वेन॑
भा॒गधे॒येनो॑प धावति स ए॒वैनं॑ वा॒रुण॑पा॒शान् - मुञ्च॑ति - [] 46

2.3.12.1 - Padam

प्र॒जाप॑तिरिति प्र॒जा – प॒तिः । वरु॑णाय । अ॒श्वम् । अ॒नय॑त् । सः ।
स्वा॒म् । दे॒वता॑म् । आ॒र्च्छ॑त् । सः । प॒रीति॑ । अ॒दीर्य॑त । सः । ए॒तम् ।
वा॒रुण॑म् । चतुष्क॒पाल॑मिति चतुः – क॒पाल॑म् । अ॒पश्य॑त् ।

पद पाठे (वाक्य सहित) – द्वितीयकाण्डे – तृतीयः प्रश्नः

तम् । निरिति । अवपत् । ततः । वै । सः । वरुणपाशादिति
वरुण – पाशात् । अमुच्यत । वरुणः । वै । एतम् । गृह्णाति । यः ।
अश्वम् । प्रतिगृह्णातीति प्रति – गृह्णाति । यावतः । अश्वान् ।
प्रतिगृह्णीयादिति प्रति – गृह्णीयात् । तावतः । वारुणान् ।
चतुष्कपालानिति चतुः – कपालान् । निरिति । वपेत् ।
वरुणम् । एव । स्वेन । भागधेयेनेति भाग – धेयेन । उपेति ।
धावति । सः । एव । एनम् । वरुणपाशादिति वरुण – पाशात् ।

मुञ्चति । 46 (50)

2.3.12.2

चतुष्कपाला भवन्ति चतुष्पाद्ध्यश्वः समृद्ध्य एकमतिरिक्तं
निर्वपेद्-यमेव प्रतिग्राही भवति यं वा नाध्येति तस्मादेव
वरुणपाशान् मुच्यते यद्यपरं प्रतिग्राही स्यात् सौर्यमेककपालमनु
निर्वपेदमुमेवा ऽऽदित्यमुच्चारं कुरुते ऽपोऽवभृथमवैत्यप्सु वै
वरुणः साक्षादेव वरुणमव यजते ऽपोनप्त्रीयं चरुं () पुनरेत्य

पद पाठे (वाक्य सहित) – द्वितीयकाण्डे – तृतीयः प्रश्नः

निर्व॑पेद॒प्सु॑ यो॒निर्वा॑ अ॒श्वः॑ स्वा॒मेवै॒न॒योनिं॑ गमयति॒ स ए॒न॒ञ् शान्त॑
उप॑ तिष्ठते । 47

2.3.12.2 - Padam

चतु॑ष्क॒पाला॑ इति॒ चतुः॑ – क॒पालाः॑ । भव॑न्ति । चतु॑ष्पा॒दिति॑
चतुः॑ – पा॒त् । हि । अ॒श्वः । समृ॑द्ध्य॒ इति॒ सं – ऋ॒द्ध्यै॑ । एक॑म् ।
अति॑रिक्त॒मित्य॑ति – रि॒क्तम् । निरि॑ति । व॒पेत् । यम् । ए॒व ।
प्रति॑ग्राहीति॒ प्रति॑ – ग्रा॒ही । भव॑ति । यम् । वा । न ।
अ॒ध्येती॑त्य॒धि – ए॒ति । तस्मा॑त् । ए॒व । वरु॑णपा॒शादिति॑
वरु॑ण – पा॒शात् । मु॒च्यते॑ । यदि॑ । अ॒परम् । प्रति॑ग्राहीति॒
प्रति॑ – ग्रा॒ही । स्या॑त् । सौ॒र्यम् । एक॑क॒पाल॒मित्येक॑ – क॒पालम् ।
अनु॑ । निरि॑ति । व॒पेत् । अ॒मुम् । ए॒व । आ॒दित्य॑म् ।
उच्चा॑रमित्यु॒त् – चा॒रम् । कुरु॑ते । अ॒पः ।
अ॒वभृ॑थमित्य॒व – भृ॒थम् । अ॒वेति॑ । ए॒ति । अ॒प्स्वि॒त्यप् – सु । वै ।
वरु॑णः । सा॒क्षादिति॑ स-अ॒क्षात् । ए॒व । वरु॑णम् । अ॒वेति॑ । य॒जते॑ ।

पद पाठे (वाक्य सहित) – द्वितीयकाण्डे – तृतीयः प्रश्नः

अपो॒न॒प्त्री॒य॒मि॒त्य॒पः॑ – न॒प्त्री॒य॒म् । च॒रु॒म् () । पु॒नः॑ ।

ए॒त्ये॒त्या॑ – इ॒त्य॑ । नि॒रि॒ति॑ । व॒पे॒त् । अ॒प्सु॒यो॒नि॒रि॒त्य॒प्सु॑ – यो॒निः॑ ।

वै । अ॒श्वः॑ । स्वा॒म् । ए॒व । ए॒न॒म् । यो॒नि॒म् । ग॒म॒य॒ति॑ । सः॑ ।

ए॒न॒म् । शान्तः॑ । उ॒पे॒ति॑ । ति॒ष्ठ॒ते॑ । 47 (67)

(मु॒ञ्च॒ति॑ – च॒रु॒ – स॒प्त॒द॒श॒ च॑) (A12)

2.3.13.1

या॑ वा॒मि॒न्द्रा॒व॒रु॒णा॑ य॒त॒व्या॑ त॒नू॒स्त॒ये॒म॒म॒ ह॒सो॑ मु॒ञ्च॒तं॑ या॑ वा॒मि॒न्द्रा॒
व॒रु॒णा॑ स॒ह॒स्या॑ र॒क्ष॒स्या॑ ते॒ज॒स्या॑ त॒नू॒स्त॒ये॒ म॒म॒ ह॒सो॑ मु॒ञ्च॒तं॑ यो॑
वा॒मि॒न्द्रा॒ व॒रु॒णा॑ व॒ग्नौ॑ स्रा॒म॒स्तं॑ वा॒ मे॒ ते॒ना॑ व॒य॒जे॒यो॑ वा॒मि॒न्द्रा॒ व॒रु॒णा॑
द्वि॒पा॒थ्सु॑ प॒शु॒षु॑ च॒तु॒ष्पा॒थ्सु॑ गो॒ष्ठे॑ गृ॒हेष्व॒फ॒स्वो॒ष॒धी॒षु॑ व॒न॒स्प॒ति॒षु॑
स्रा॒म॒स्तं॑ वा॒ मे॒ ते॒ना॑ व॒य॒ज॒ इ॒न्द्रो॑ वा॒ ए॒त॒स्यै॑ – [] 48

2.3.13.1 - Padam

या॑ । वा॒म् । इ॒न्द्रा॒व॒रु॒णे॒ती॒न्द्रा॑ – व॒रु॒णा॑ । य॒त॒व्या॑ । त॒नूः॑ । त॒या॑ ।

इ॒म॒म् । अ॒ह॒सः॑ । मु॒ञ्च॒त॒म् । या॑ । वा॒म् ।

इ॒न्द्रा॒व॒रु॒णे॒ती॒न्द्रा॑ – व॒रु॒णा॑ । स॒ह॒स्या॑ । र॒क्ष॒स्या॑ । ते॒ज॒स्या॑ । त॒नूः॑ ।

पद पाठे (वाक्य सहित) – द्वितीयकाण्डे – तृतीयः प्रश्नः

तया॑ । इ॒मम् । अ॒ह॒सः । मु॒ञ्च॒तम् । यः । वा॒म् ।
इ॒न्द्रा॒व॒रु॒णा॒वि॒तीन्द्रा॑ – व॒रु॒णौ । अ॒ग्नौ । स॒मः । तम् ।
वा॒म् । ए॒तेन॑ । अ॒वेति॑ । य॒जे । यः । वा॒म् ।
इ॒न्द्रा॒व॒रु॒णे॒तीन्द्रा॑ – व॒रु॒णा । द्वि॒पा॒थि॒स्वति॑ द्वि॒पात् – सु॒ । प॒शु॒षु ।
च॒तु॒ष्पा॒थि॒स्वति॑ च॒तु॒ष्पात् – सु॒ । गो॒ष्ठ इति॑ गो॒ – स्थे॑ । गृ॒हेषु॑ ।
अ॒प्ति॒स्वत्य॑प् – सु॒ । ओष॑धीषु । व॒न॒स्पति॑षु । स॒मः । तम् । वा॒म् ।
ए॒तेन॑ । अ॒वेति॑ । य॒जे । इ॒न्द्रः । वै । ए॒तस्य॑ । 48 (50)

2.3.13.2

–न्द्रि॒येणा॑प॒ क्राम॑ति॒ वरु॑ण॒ एनं॑ वरु॒णपा॑शेन॒ गृह्णा॑ति॒ यः पा॑प्म॒ना
गृ॒हीतो॑ भ॒वति॑ यः पा॑प्म॒ना गृ॒हीतः॑ स्यात् तस्मा॑ ए॒तामै॑न्द्रा॒व॒रु॒णीं
प॒यस्यां॑ निर्व॒पेदि॑न्द्र॒ एवा॑स्मिन्निन्द्रि॒यं द॑धाति॒ वरु॑ण॒ एनं॑
वरु॒णपा॑शान्–मु॒ञ्चति॑ प॒यस्या॑ भ॒वति॑ प॒यो हि॒ वा
ए॒तस्मा॑द॒प॒क्राम॑त्यथैष पा॑प्म॒ना गृ॒हीतो॑ यत् प॒यस्या॑ भ॒वति॑ प॒य
ए॒वास्मिन्॑ तया॑ द॒धाति॑ प॒यस्या॑यां – [] 49

पद पाठे (वाक्य सहित) – द्वितीयकाण्डे – तृतीयः प्रश्नः

2.3.13.2 - Padam

इन्द्रियेण॑ । अपेति॑ । क्रामति॑ । वरुणः॑ । ए॒नम् ।
वरुणपा॑शेनेति॑ वरुण – पा॒शेन॑ । गृ॒ह्णाति॑ । यः । पा॒प्मना॑ ॥
गृ॒हीतः॑ । भवति॑ । यः । पा॒प्मना॑ ॥ गृ॒हीतः॑ । स्यात् । तस्मै॑ ॥ ए॒ताम् ।
ऐ॒न्द्रावरु॑णीमित्यै॒न्द्रा – वरु॑णीम् । प॒यस्या॑म् । निरिति॑ । व॒पेत् ।
इन्द्रः॑ । ए॒व । अ॒स्मिन् । इन्द्रि॑यम् । द॒धाति॑ । वरुणः॑ । ए॒नम् ।
वरुणपा॑शादिति॑ वरुण – पा॒शात् । मु॒ञ्चति॑ । प॒यस्या॑ ॥
भवति॑ । प॒यः । हि । वै । ए॒तस्मात् । अ॒पक्राम॑तीत्यप – क्रामति॑ ।
अथ॑ । ए॒षः । पा॒प्मना॑ ॥ गृ॒हीतः॑ । यत् । प॒यस्या॑ ॥ भवति॑ ।
प॒यः । ए॒व । अ॒स्मिन् । तया॑ । द॒धाति॑ । प॒यस्या॑याम् । 49 (50)

2.3.13.3

पु॒रोडा॑शम॒व द॑धात्यात्मन्वन्तमे॒वैनं॑ करोत्यथो॒ आय॑तनवन्तमे॒व
चतु॑र्धा व्यू॒हति॑ दि॒क्ष्वे॒व प्र॑तितिष्ठति॒ पुनः॑ स॒मूह॑ति दिग्भ्य॒ एवा॑स्मै
भे॒षजं॑ करोति॒ स॒मूह्या॑व द्यति॒ यथाऽऽवि॑द्धं निष्कृ॒न्तति॑ तादृ॒गे॒व तद्यो॑
वा॒मिन्द्रा॑वरुणाव॒ग्नौ स्ना॑मस्तं वा॒मेते॑नाव॒ यज॑ इत्याह॒ दुरि॑ष्ट्या ए॒वैनं॑

पद पाठे (वाक्य सहित) – द्वितीयकाण्डे – तृतीयः प्रश्नः

पा॒ति () यो॑ वा॒ मि॒न्द्रा॑ वरु॒णा द्वि॒पा॒थ्सु॑ प॒शुषु॑ स्राम॒स्तं वा॑ मे ते॒नाव॑
यज॒ इत्या॑है॒तावती॑र्वा आप॒ ओष॑धयो वनस्प॒तयः॑ प्र॒जाः प॒शव॑
उपजीवनीयास्ता ए॒वास्मै॑ वरु॒णपा॑शान्-मुञ्चति । 50

2.3.13.3 - Padam

पु॒रोडा॑शम् । अ॒वेति॑ । द॒धाति॑ । आ॒त्मन्व॑न्त॒मित्या॑त्मन् - व॒न्तम् ।

ए॒व । ए॒नम् । क॒रोति॑ । अथो॒ इति॑ ।

आ॒यत॑नव॒न्तमि॒त्याय॑तन - व॒न्तम् । ए॒व । च॒तु॒र्धेति॑ चतुः - धा ।

वी॒ति । ऊ॒हति॑ । दि॒क्षु । ए॒व । प्र॒तीति॑ । ति॒ष्ठति॑ । पुनः॑ । स॒मिति॑ ।

ऊ॒हति॑ । दि॒ग्भ्य॑ इति॑ दिक् - भ्यः । ए॒व । अ॒स्मै । भे॒षज॑म् ।

क॒रोति॑ । स॒मूह्ये॑ति सं - ऊ॒ह्य । अ॒वेति॑ । द्य॒ति । यथा॑ ।

आ॒वि॒द्धमि॒त्या - वि॒द्धम् । नि॒ष्कृ॑न्त॒तीति॑ निः - कृ॑न्तति । ता॒दृक् ।

ए॒व । तत् । यः । वा॒म् । इ॒न्द्रा॑वरु॒णावि॒तीन्द्रा॑ - वरु॒णौ । अ॒ग्नौ ।

स्रामः॑ । तम् । वा॒म् । ए॒तेन॑ । अ॒वेति॑ । य॒जे । इति॑ । आ॒ह । दु॒रि॒ष्ट्या॑

इति॑ दुः - इ॒ष्ट्याः । ए॒व । ए॒नम् । पा॒ति () । यः । वा॒म् ।

पद पाठे (वाक्य सहित) – द्वितीयकाण्डे – तृतीयः प्रश्नः

इन्द्रावरुणेतीन्द्रा – वरुणा । द्विपाथिस्वति द्विपात् – सु । पशुषु ।
स्रामः । तम् । वाम् । एतेन । अवेति । यजे । इति । आह ।
एतावतीः । वै । आपः । ओषधयः । वनस्पतयः । प्रजा इति
प्र – जाः । पशवः । उपजीवनीया इत्युप – जीवनीयाः । ताः ।
एव । अस्मै । वरुणपाशादिति वरुण – पाशात् । मुञ्चति । 50 (76)
(एतस्य – पयस्यायां – पाति – षड्विंशतिश्च) (A13)

2.3.14.1

स प्रलव न्नि काव्ये न्द्रं वो विश्वतस्परी न्द्रं नरः ।
त्वं नः सोम विश्वतो रक्षा राजन्नघायतः । न रिष्येत् त्वावतः सखाः ।
या ते धामानि दिवि या पृथिव्यां या पर्वतेष्वोषधीष्वप्सु ।
तेभिर्नो विश्वैः सुमना अहेडन् राजन्थ-सोम प्रति हव्या गृभाय ।
अग्नीषोमा सवेदसा सहूती वनतं गिरः । सं देवत्रा बभूवथुः ।

युव – [] 51

पद पाठे (वाक्य सहित) – द्वितीयकाण्डे – तृतीयः प्रश्नः

2.3.14.1 - Padam

सः । प्र॒ल॒व॒दि॒ति॒ प्र॒ल॒ – व॒त् । नी॒ति॒ । का॒व्या॑ । इ॒न्द्र॒म् । वः ।
वि॒श्व॒तः । प॒री॒ति॒ । इ॒न्द्र॒म् । नरः । त्व॒म् । नः । सो॒म॒ । वि॒श्व॒तः ।
र॒क्ष॒ । रा॒ज॒न् । अ॒घा॒य॒त॒ इत्य॑घ – य॒तः । न । रि॒ष्ये॒त् । त्वा॒व॒त॒ इति॑
त्व – व॒तः । स॒खा । या । ते । धा॒मा॒नि॒ । दि॒वि॒ । या । पृ॒थि॒व्या॒म् ।
या । प॒र्व॒ते॒षु॒ । ओ॒ष॒धी॒षु॒ । अ॒प्सि॒त्य॒प् – सु॒ । ते॒भिः । नः । वि॒श्वैः॑ ।
सु॒म॒ना॒ इति॑ सु॒-म॒नाः॑ । अ॒हे॒ड॒न् । रा॒ज॒न् । सो॒म॒ । प्र॒ती॒ति॒ । ह॒व्या॒ ।
गृ॒भा॒य॒ । अ॒ग्नी॒षो॒मे॒त्य॒ग्नी॑ – सो॒मा॒ । स॒र्वे॒द॒से॒ति॒ स – वे॒द॒सा॒ ।
स॒हू॒ती॒ इति॑ स – हू॒ती॒ । व॒न॒त॒म् । गि॒रः । स॒मि॒ति॒ । दे॒व॒त्रे॒ति॒
दे॒व – त्रा॒ । ब॒भू॒व॒थुः॒ । यु॒व॒म् । 51 (50)

2.3.14.2

–मे॒ता॒नि॒ दि॒वि॒ रो॒च॒ना॒न्य॒ग्नि॒श्च॒ सो॒म॒ स॒क्र॒तू॒ अध॑त्तं ।
यु॒व॒ꣳ सि॒न्धू॒ꣳ र॒भि॒श॒स्ते॒र॒व॒द्या॒-द॒ग्नी॒षो॒मा॒-व॒मु॒ञ्च॑तं गृ॒भी॒ता॒न् ।
अ॒ग्नी॒षो॒मा॒वि॒म॒ꣳ सु॒ मे॒ शृ॒णु॑तं वृ॒ष॒णा॒ ह॒वं॑ । प्र॒ति॒ सू॒क्ता॒नि॒ ह॒र्य॑तं भ॒व॒तं॑
दा॒शु॒षे॒ म॒यः॑ । आ॒ऽन्यं॑ दि॒वो॒ मा॒त॒रि॒श्वा॒ ज॒भा॒रा॒ऽम॒थ्ना॒द॒न्यं॑ परि॒ श्ये॒नो॑

पद पाठे (वाक्य सहित) – द्वितीयकाण्डे – तृतीयः प्रश्नः

अ॒द्रैः॑ । अ॒ग्नी॑षो॒मा ब्र॒ह्म॑णा वावृ॒धानो॑रुं य॒ज्ञाय॑ चक्रथुरु लो॒कं ।

अ॒ग्नी॑षो॒मा ह॒विषः॑ प्र॒स्थित॑स्य वी॒तम् - [] 52

2.3.14.2 - Padam

ए॒तानि॑ । दि॒वि । रो॒च॒नानि॑ । अ॒ग्निः॑ । च । सो॒म । स॒क्र॒तू इति॑
स - क्र॒तू । अ॒ध॒त्त॒म् । यु॒व॒म् । सि॒न्धून् ।

अ॒भि॒श॒स्तेरि॒त्यभि॑ - श॒स्तेः॑ । अ॒व॒द्यात् ।

अ॒ग्नी॑षो॒मावि॒त्यग्नी॑ - सो॒मौ । अ॒मुञ्च॑तम् । गृ॒भी॒तान् ।

अ॒ग्नी॑षो॒मावि॒त्यग्नी॑ - सो॒मौ । इ॒म॒म् । स्वि॒ति । मे । शृ॒णु॒तम् ।

वृ॒ष॒णा । ह॒व॒म् । प्र॒ती॒ति । सू॒क्ता॒नीति॑ सु - उ॒क्ता॒नि । ह॒र्य॑तम् ।

भ॒व॒त॒म् । दा॒शु॒षे॑ । म॒यः॑ । ए॒ति । अ॒न्य॒म् । दि॒वः॑ । मा॒तरि॑श्वा ।

ज॒भार॑ । अ॒म॒थ॒नात् । अ॒न्य॒म् । प॒री॒ति । श्ये॒नः॑ । अ॒द्रैः॑ ।

अ॒ग्नी॑षो॒मेत्य॑ग्नी - सो॒मा । ब्र॒ह्म॑णा । वावृ॒धाना॑ । उ॒रु॒म् । य॒ज्ञाय॑ ।

च॒क्र॒थुः॑ । उ । लो॒क॒म् । अ॒ग्नी॑षो॒मेत्य॑ग्नी - सो॒मा । ह॒विषः॑ ।

प्र॒स्थि॒त॒स्येति॑ प्र - स्थि॒त॒स्य॑ । वी॒त॒म् । 52 (50)

पद पाठे (वाक्य सहित) – द्वितीयकाण्डे – तृतीयः प्रश्नः

2.3.14.3

हर्य॑तं वृ॒षणा जु॒षेथां॑ । सु॒शर्मा॑णा स्वव॑सा हि भू॒तम॑था ध॒त्तं
यज॑मानाय शं योः । आप्या॑यस्व सं ते ।
ग॒णानां॑ त्वा गण॑पति॒ः हवाम॑हे क॒विं क॒वीना॑-मु॒पम॑श्रवस्तमं ।
ज्येष्ठ॑राजं ब्र॒ह्मणां॑ ब्र॒ह्मण॑स्पत आ नः शृ॒ण्वन्नू॒तिभिः॑ सीद॑ साद॒नं ।
स इज्ज॑नेन स वि॒शा स जन्म॑ना स पु॒त्रैर्वाजं॑ भरते॒ धना॑ नृ॒भिः ।
दे॒वानां॑ यः पि॒तर॑मा॒विवा॑सति - [] 53

2.3.14.3 - Padam

हर्य॑तम् । वृ॒षणा । जु॒षेथां॑ । सु॒शर्मा॑णेति सु - शर्मा॑णा ।
स्वव॑सेति सु - अव॑सा । हि । भू॒तम् । अथ । ध॒त्तम् । यज॑मानाय ।
शम् । योः । एति॑ । प्या॑यस्व । समि॑ति । ते । ग॒णाना॑म् । त्वा ।
गण॑पतिमि॑ति गण - पति॑म् । हवाम॑हे । क॒विम् । क॒वीना॑म् ।
उ॒पम॑श्रवस्तममित्यु॒पम॑श्रवः-तमम् । ज्येष्ठ॑राजमि॑ति ज्येष्ठ॑-राजम् ।
ब्र॒ह्मणा॑म् । ब्र॒ह्मणः॑ । प॒ते । एति॑ । नः । शृ॒ण्वन् ।
ऊ॒तिभि॑रित्यूति - भिः । सीद॑ । साद॒नम् । सः । इत् । जने॑न । सः ।

पद पाठे (वाक्य सहित) – द्वितीयकाण्डे – तृतीयः प्रश्नः

वि॒शा । सः । जन्म॑ना । सः । पु॒त्रैः । वा॒जम् । भ॒रते॑ । ध॒ना ।

नृ॒भि॒रिति॑ नृ – भिः । दे॒वाना॑म् । यः । पि॒तर॑म् ।

आ॒वि॒वा॒स॒तीत्या॑ – वि॒वा॒स॒ति । 53 (50)

2.3.14.4

श्र॒द्धा॒म॒ना॒ ह॒वि॒षा॒ ब्र॒ह्म॑ण॒स्पति॑ । स सु॒ष्टु॒भा स ऋ॑क्व॒ता ग॒णेन॑ व॒लम् ।
रु॒रो॒ज फ॒लि॒गम् र॒वेण॑ । बृ॒ह॒स्प॒तिरु॒स्त्रिया॑ ह॒व्य॒सू॒दः क॒निक्र॑द॒द्-
वा॒व॒श॒तीरु॒दा॒ज॒त् । म॒रु॒तो य॒द्ध वो॑ दि॒वो या॑ वः श॒र्म ।

अ॒र्य॒मा ऽऽया॑ति वृ॒षभ॑स्तुवि॒ष्मान् दा॒ता व॒सूनां॑ पु॒रु॒हूतो॑ अ॒र्हन् ।

स॒ह॒स्रा॒क्षो गौ॒त्र॒भिद्-व॒ज्र॒बा॒हु॒र॒स्मासु॑ दे॒वो द्र॑वि॒णं द॑धातु ।

ये तै॒र्य॑मन् ब॒हवो॑ दे॒व॒या॒नाः प॒न्था॑नो – [] 54

2.3.14.4 - Padam

श्र॒द्धा॒म॒ना॒ इति॑ श्र॒द्धा – म॒नाः । ह॒वि॒षा । ब्र॒ह्म॑णः । प॒तिम् । सः ।

सु॒ष्टु॒भेति॑ सु – स्तु॒भा । सः । ऋ॑क्व॒ता । ग॒णेन॑ । व॒लम् । रु॒रो॒ज ।

फ॒लि॒गम् । र॒वेण॑ । बृ॒ह॒स्प॒तिः । उ॒स्त्रियाः॑ । ह॒व्य॒सू॒द इति॑

ह॒व्य – सू॒दः । क॒निक्र॑द॒त् । वा॒व॒श॒तीः । उ॒दि॒ति । आ॒ज॒त् । म॒रु॒तः ।

पद पाठे (वाक्य सहित) – द्वितीयकाण्डे – तृतीयः प्रश्नः

यत् । ह । वः । दिवः । या । वः । शर्म । अर्यमा । एति । याति ।
वृषभः । तुविष्मान् । दाता । वसूनाम् । पुरुहूत इति पुरु – हूतः ।
अर्हन् । सहस्राक्ष इति सहस्र – अक्षः । गोत्रभिदिति गोत्र-भित् ।
वज्रबाहुरिति वज्र – बाहुः । अस्मासु । देवः । द्रविणम् । दधातु ।
ये । ते । अर्यमन् । बहवः । देवयाना इति देव – यानाः ।

पन्थानः । 54 (50)

2.3.14.5

राजन् दिव आचरन्ति । तेभिर्नो देव महि शर्म यच्छ शं न एधि
द्विपदे शं चतुष्पदे । बुध्नादग्र-मङ्गिरोभि-गृणानो वि पर्वतस्य
दृ॒हि॒तान्यै॒रत् । रुजद्रोधा॑सि॒कृ॒त्रि॒मा॒ण्येषा॑सोमस्यतामदइन्द्रश्चकार ।
बुध्नादग्रेण वि मिमाय मानैर्वज्रेण खान्यतृणन्नदीनां ।
वृथा ऽसृजत् पथिभिर्दीर्घयाथैः सोमस्य ता मद इन्द्रश्चकार । 55

2.3.14.5 - Padam

राजन् । दिवः । आचरन्तीत्या – चरन्ति । तेभिः । नः । देव ।
महि । शर्म । यच्छ । शम् । नः । एधि । द्विपद इति द्वि – पदे ।

पद पाठे (वाक्य सहित) – द्वितीयकाण्डे – तृतीयः प्रश्नः

शम् । चतुष्पद इति चतुः – पदे । बुध्नात् । अग्रम् ।
अङ्गिरोभिरित्यङ्गिरः-भिः । गृणानः । वीति । पर्वतस्य । दृ॒हि॒तानि॑ ।
ऐरत् । रुजत् । रोधा॒सि । कृ॒त्रि॒माणि॑ । ए॒षाम् । सोम॑स्य । ता ।
मदे॑ । इन्द्रः । च॒कार । बुध्नात् । अ॒ग्रेण॑ । वीति॑ । मि॒माय॑ । मानैः॑ ।
वज्रेण॑ । खानि॑ । अ॒तृण॑त् । नदीनाम् । वृथा॑ । अ॒सृज॑त् ।
पथि॑भिरिति पथि – भिः । दी॒र्घ॒याथैरिति॑ दीर्घ – याथैः । सोम॑स्य ।
ता । मदे॑ । इन्द्रः । च॒कार । 55 (50)

2.3.14.6

प्र यो ज॒ज्ञे वि॒द्वा॒ अस्य॑ बन्धुं॑ वि॒श्वानि॑ दे॒वो ज॒नि॒मा वि॒वक्ति॑ ।
ब्र॒ह्म ब्र॒ह्मण॑ उ॒ज्ज॒भार॑ म॒ध्या॒न्नी॒चादु॒च्चा स्व॒धया॑भि प्र॒तस्थौ॑ ।
म॒हान् म॒ही अ॒स्त॒भाय॑द्वि जा॒तो द्या॑ स॒द्य पार्थि॑वं च रजः ।
स बु॒ध्नादा॑ष्ट ज॒नुषा॑भ्य॒ग्रं बृ॒हस्प॑ति दे॒वता॑यस्य स॒म्राट् ।
बु॒ध्नाद्यो अ॒ग्रम॑भ्य॒त्यो॒जसा॑ बृ॒हस्प॑ति॒मा वि॒वास॑न्ति दे॒वाः () ।
भि॒न॒द्वलं॑ वि॒ पुरो॑ दर्दरीति॑ क॒निक्र॑दथ् सु॒वर॑पो जिगाय । 56

पद पाठे (वाक्य सहित) – द्वितीयकाण्डे – तृतीयः प्रश्नः

2.3.14.6 - Padam

प्रेति॑ । यः॑ । ज॒ज्ञे॑ । वि॒द्वान् । अ॒स्य॑ । ब॒न्धु॑म् । वि॒श्वानि॑ । दे॒वः ।
ज॒नि॒मा । वि॒वक्ति॑ । ब्र॒ह्म । ब्र॒ह्मणः॑ । उ॒दिति॑ । ज॒भार॑ । म॒ध्यात् ।
नी॒चा । उ॒च्चा॑ । स्व॒धयेति॑ स्व – धया॑ । अ॒भि । प्रेति॑ । त॒स्थौ ।
म॒हान् । म॒ही इति॑ । अ॒स्त॒भाय॑त् । वी॒ति॑ । जा॒तः । द्या॒म् । स॒द्य॑ ।
पा॒र्त्थि॒वम् । च॒ । रजः॑ । सः॑ । बु॒ध्नात् । आ॒ष्ट । ज॒नुषा॑ । अ॒भीति॑ ।
अ॒ग्रम् । बृ॒हस्प॑तिः । दे॒वता॑ । य॒स्य॑ । स॒म्राडि॑ति सं-राट् । बु॒ध्नात् ।
यः॑ । अ॒ग्रम् । अ॒भ्यर्ती॑त्यभि-अ॒र्ति॑ । ओज॑सा । बृ॒हस्प॑तिम् । ए॒ति॑ ।
वि॒वा॒स॒न्ति॑ । दे॒वाः () । भि॒नत् । व॒लम् । वी॒ति॑ । पु॒रः । द॒र्द॒रीति॑ ।
क॒नि॒क्रद॑त् । सु॒वः । अ॒पः । जि॒गाय॑ । 56 (59)

(यु॒वं – वी॒त॒मा – वि॒वा॒स॒ति – प॒न्था॑नो – दी॒र्घ॒याथैः॑ सोम॑स्य
ता म॒द इन्द्र॑श्चकार – दे॒वा – न॒व च॑) (A14)

पद पाठे (वाक्य सहित) – द्वितीयकाण्डे – तृतीयः प्रश्नः

Prasna Korvai with starting Padams of 1 to 14 Anuvaakams :-

(आ॒दि॒त्ये॒भ्यो॑ – दे॒वा वै मृ॒त्यो – दे॒वा वै – स॒न्नम॑ – र्य॒म्णे –
प्र॒जाप॑ते॒स्त्रय॑स्त्रि॒ंशत् – प्र॒जाप॑ति॒ दे॒वेभ्यो॑ऽन्नाद्यं –
दे॒वा॒सु॒रा॒स्तान् – र॒जनो॑ – ध्रु॒वो॑ऽसि॒ – यन्न॑व – म॒ग्निं वै –
प्र॒जाप॑ति॒ वरु॑णाय – या वा॒मिन्द्रा॑ वरुणा – स प्र॒त्नव॑ – च्चतु॑र्दश)

Korvai with starting Padams of 1, 11, 21 Series of Panchaatis :-

(आ॒दि॒त्ये॒भ्य – स्त्व॑ष्टु – र॒स्मै दान॑कामा – ए॒वाव॑ रु॒न्धे – ऽग्निं॑ वै
– स प्र॒त्नव॑थ् – षट्प॑ञ्चा॒शत्)

First and Last Padam of Third Prasnam of Kandam 2:-

(आ॒दि॒त्ये॒भ्यः॑ – सु॒वर॑पो जिगाय)

॥ हरिः ओं ॥

॥ कृष्ण यजुर्वेदीय तैत्तिरीय संहितायां द्वितीयकाण्डे

पद पाठे तृतीयः प्रश्नः समाप्तः ॥

पद पाठे (वाक्य सहित) – द्वितीयकाण्डे – तृतीयः प्रश्नः

Details of Panchati and Padam for Kandam 2 – Prasanam 3 – TS 2.3

	Panchati	Padams
Anuvakam 1	5	268
Anuvakam 2	9	441
Anuvakam 3	5	243
Anuvakam 4	4	204
Anuvakam 5	3	163
Anuvakam 6	2	126
Anuvakam 7	4	188
Anuvakam 8	2	128
Anuvakam 9	3	155
Anuvakam 10	3	175
Anuvakam 11	5	272
Anuvakam 12	2	117
Anuvakam 13	3	176
Anuvakam 14	6	309
Total →	56	2965

Notes:

- Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site www.vedavms.in.